

華嚴經疏

軍

C40
4514
215



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

C40-4514



B 64853

大方廣佛華嚴經疏卷第十六

唐清涼山大華嚴寺沙門 澄觀撰

賢首品第十二

初來意者夫行不虛設必有其德旣解行圓妙必勝
德難思收前行願成信德用故次來也又前智首舉
果徵因文殊廣顯其因略標其果云獲一切勝妙功
德故問賢首令廣斯言是以偈初躡前起後二釋名
者謂體性至順調善曰賢吉祥勝德超絕名首卽以
此名菩薩演說此法賢卽是首賢首之品以當賢位
之初攝諸德故偏舉賢名三宗趣者於信門中成普

170 1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

賢行德而自在莊嚴無方大用建立衆生通貫始終
該攝諸位以爲其宗令起圓融信行成位德用而爲
意趣四釋文者文有三分初文殊發起次賢首廣說
三十方現證今初分二初經家敘述二正明發起二
段各有結前生後今初先結前已說順違皆順客塵
不能濁其心悲智雙游萬境不能亂其慮是曰清淨
行矣大功德者卽前所成之果後欲顯示下生後文
舍始終約終則顯示信滿菩提心殊勝功德廣具五
位因行盡故約始但於生死誓證菩提萬德攸依故
今顯示二偈正發起中前半結前偈文窄故略無所

成之德後半勸說令說修行之德則與長行文有影
略第二時賢首下賢首廣說於中先總標舉以偈答
者此略有二一少言攝多義故二美詞讚說令淨信
故以始德該終散說難盡故顯此勝妙之功德故第
二正顯偈詞有三百五十九頌半大爲三分初四頌
諫讚許說分次三百四十六偈半正說勝德分三九
偈校量勸持分初中分二初偈總明前半讚問勸修
後半謙已少說海喻次下當明後三開章以發心之
德況出修行巧顯深廣於中初偈舉發心章次偈況
出修行章初心祈於當證德已叵量況長時入位徧

170 1 2 3 4 5 6 7 8 9 10 11 12 13 14 15 16 17 18 19 20

修故多佛不能盡說後偈許說分齊前半法說如是者雙指發心修行下文具顯故前文雙問故後半喻明然有二意一顯喻少分謂發心行德如太空大地所說者匝如足履一塵二密喻不異謂鳥足之空不異太空微細之塵不殊大地故此略說義無不周若廣若略皆無邊故出現品云如鳥飛虛空經於百年已納過處未經過處皆不可量何以故虛空無邊際故等彼就果行此就因德然普賢行德似同佛果是故皆以虛空爲量上下文中皆同此說此初發心與下文十住初發心住及發心功德品各何別耶此中

發心該於初後取其成德乃是信終取其爲本乃在初發雖如輕毛功歸初實故十住初發即是此終成彼初發此終爲能發彼是所發此正是發起之發義兼開發彼是開發之發義兼發起其發心品正顯十住初心之功德耳以斯甄別非無有異故瓔珞云發心住者是人始從具縛未識三寶乃至值佛菩薩教法中起一念信便發菩提心既云始從凡夫最初發心明知此中發心該於初後問此既是初何得乃具後諸行位及普賢德耶古德釋此略有二門一行布次第門謂從微至著從淺至深次第相乘以階彼岸

10 1 2 3 4 5 6 7 8 9 10 11 12 13 14 15 16 17 18 19 20

摘要

外傳釋義卷第十六

三

軍方

如瓊珞仁王起信瑜伽等說二圓融通攝門謂一位卽具一切位等如此經所說亦如大品等中一行具一切行此中有二門一緣起相由門二法界融攝門前中普攬一切始終諸位無邊行海同一緣起爲普賢行德良以諸緣相望略有二義一約用由相待故有有力無力義是故得相收及相入也二約體由相作故有有體無體義是故得相卽及相入是也此經之中依斯義故行位相收總有四說一或始具終如此門中具一切行位普賢德海者是也二或終具始竝在十地位後如下文十定十通等說三或諸位齊收竝在十住等一一位中各收一切悉至究竟如下文十住十行等說四或諸位皆泯行德顯然如離世間品說二法界融攝門者謂此諸位及所修行皆不離普賢無盡法界然此法界圓融無罣墮在一位卽具一切今在信門收無不盡下諸位中皆具一切者竝準此釋問下發心功德品亦說初心具無邊德與此何別答此據行首信門所具彼約行本菩提心具問約法相收是則可爾約人修行豈十千劫修信纔滿卽得如此無邊德海答以法是圓融具德法故若諸菩薩行此法行是彼所收或無量劫或無定限十

支那
文庫
卷之六
三
軍方

收竝在十住等一一位中各收一切悉至究竟如下文十住十行等說四或諸位皆泯行德顯然如離世間品說二法界融攝門者謂此諸位及所修行皆不離普賢無盡法界然此法界圓融無罣墮在一位卽具一切今在信門收無不盡下諸位中皆具一切者竝準此釋問下發心功德品亦說初心具無邊德與此何別答此據行首信門所具彼約行本菩提心具問約法相收是則可爾約人修行豈十千劫修信纔滿卽得如此無邊德海答以法是圓融具德法故若諸菩薩行此法行是彼所收或無量劫或無定限十

10 1 2 3 4 5 6 7 8 9 10 11 12 13 14 15 16 17 18 19 20

千劫言非此所說如下善財童子及兜率天子等所行所得竝是其人不同行布次第教中之所說也又十千劫乃是一經瓔珞但言一劫二劫此經縱有行布亦皆圓融亦有引此下文證成此信乃是捨異生性成就聖性出無明地生如來家以有則獲灌頂而升位等非是信故若爾初地豈得灌頂升位等耶若云展轉進入佛地何以不得始自於信展轉入耶若許從信展轉入者何以要判此乃捨凡入聖下文自有十地之會此中尚隔住行向等判爲入地乃孟浪之談下發心品亦判爲初地發心義同此會問下云

無量億劫勤修學得是無上菩提智斯則非一生也亦非十千以爲無量通斯難者應有二義一此約行布展轉義故二約圓融展促無礙義故如上所辨故善財見仙人執手一一佛所經無量劫故修短難思特由於此故賢首菩薩云信大乘者猶爲易能信此法倍更難以初心卽具一切功德故難信也第二菩薩發意下正明發心修行勝德文分爲五初五頌發心行相二信爲道元下略示勝能三若常信奉下所具行位四或有利土下無方大用五一切如來下喻況玄旨然此五段初一顯正發心後四發心之德第

170 1 2 3 4 5 6 7 8 9 10 11 12 13 14 15 16 17 18 19 20

撰述

妙法蓮華經卷十六

五

軍六

三亦兼修行此及後二皆修行之德今初發心行相中初偈總標餘文別顯瑜伽菩薩地明發心有五種相一自性二行相三所緣四功德五最勝今文五偈具之謂發意即是正願爲發心自性也希求菩提及下作有情義利卽行相也菩提三寶有情皆其所緣能攝一切菩提分法爲其功德不求五欲等反顯菩薩所求最勝言因緣者謂親能發起求大菩提曰因假之助發爲緣因卽自性住性內熏之力緣卽習所成性又上二皆因善友及境外熏爲緣瑜伽云由有四因四緣四力菩薩發心四因者一種性具足二賴

佛菩薩善友攝受三多起悲心四長時猛利難行苦行無所怯畏四緣者一見聞佛神變威力二聞法微妙三見法欲滅四見生受惑業苦四力者一自力二他力三因力以宿習故四加行力謂於現法親善門法修善加行故若具上因緣及初三二力當知不退若因二四力心不堅固今經卽初及三也又起信論智印經有七因緣如彼應知下別顯中以三因四緣攝上諸義三因者謂信悲智四緣者三寶衆生也今文中後半總以信智因緣三寶境信謂於實德能深忍樂欲心淨爲性故云淨信然實謂一切事理德謂

10 1 2 3 4 5 6 7 8 9 10 11 12 13 14 15 16 17 18 19 20

三寶淨德能謂世出世善有其力能今法寶中已攝初後亦三寶中皆具此三體寶具德大用救生故大者智心求大菩提廣者悲心廣濟含識翻彼二乘小匝心也別中初半偈揀去偏僞謂攝眷屬過所不能染故文中不求五事求卽過故一若求人天五欲此能長貪多是鬼因二求王位長瞋多地獄因三求富饒長癡是畜生因實通三塗各從多說四求自樂是二乘因五求大名稱若勝負心是修羅因若我慢心是外道因又以理求樂是人天因爲王攝屬是魔羅因有二乘心目之爲偏有餘心者名之爲僞後三偈半直顯真正別釋因緣於中初偈悲因下救嚴土供佛亦爲調生故滅苦是悲利樂是慈次一偈半大智上供上二下二爲真正發心後偈總結成信兼信因行其中對上四因四緣可以意得又上從不求五欲下卽顯信心之德故瓔珞經云修十信心須具十德今文竝具但不次耳一遭苦能忍卽前反顯二正顯中初二句卽慈悲深厚三次句及莊嚴國土卽修習善根謂利他善及淨土因故四有三字卽供養諸佛五受持一句志求勝法六證菩提故卽求佛智慧七一句卽深心平等八次二句卽親近善友九次一句

10 1 2 3 4 5 6 7 8 9 100 1 2 3 4 5 6 7 8 9 100

卽心常柔和謂至誠供養柔和善順於佛法故十有二句卽愛樂大乘十德備矣又此十德卽求菩提之意下經休舍云欲教化調伏一切衆生盡無餘故發菩提心等又末後偈初句卽自性住佛性以信心佛衆生無差別故方是真法可謂深信次句卽引出佛性後句卽至得果性又文有四弘可以意得又上云解常清淨者與理相應方曰深心若昔染今淨淨則有始終必終非常淨也信煩惱卽菩提方爲常淨由稱本性而發心故本來是佛更無所進如在虛空退至何所慨衆生之迷此起同體大悲悼言

不知誓期當證有悲故不爲無邊所寂有智故不爲有邊所動不動不寂直入中道是謂真正發菩提心第二信爲道元下七頌略示勝能於中初一頌總標次五頌別釋後一頌總結今初初句又標道有二義一果所謂菩提涅槃二因謂三賢十聖乘一直道元亦二義一本義菩提本故其猶滔滔之水始於濫觴二首義元者善之長也卽一因之初功德二義通及果母有二義生長養育下三句共釋初句長養卽母二義亦道元義一切善法及第二句卽因功德第三句卽果功德無上道者卽大菩提由信長善得

10 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

此菩提由信斷疑出愛成涅槃證不信身心如來知見豈能開示菩提涅槃次信無垢濁下別顯中有二十句一句辨一勝能一心淨爲性故能翻不信濁二信理普敬故翻惰慢三十藏之內信卽是藏七聖財中信爲第一四信方受取奉行五信財如夢故無所恠六智論云佛法大海信爲能入七增福智因八到二嚴果九十五根五力各在初故十一信本無惑方斷惑根十二若向餘德不名淨信十三信境本空故無所著十四正信之人不生八難十五非不正信十六正信解脫十七成不壞本十八爲菩提根十九增

佛勝智二十究竟見佛謂信自己心自佛出現信外諸佛諸佛現前故下經云一切諸佛從信心起三是故下一偈總結勝能前法後喻信樂者信三寶性已於方便諸度求欲修行信樂二字是菩薩正意由此二故於諸行有能故名最勝非佛不信故云難得喻如意珠略有五義一勝義法寶中王故二希義非佛輪王餘無有故三淨義能清不信濁故四貴義出位行寶等不可盡故五蘊義蘊衆德物無障礙故第三若常信奉下五十頌半廣明信中所具行位然有二意一行布二圓融古約圓融故名信中所具於中三

10 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

初明所具行次辨所具位三結歎功德今初八頌半
 分二先五頌明信三寶以成諸行後三頌半明信展
 轉以成諸行前中初三頌信佛成行初二句標章持
 戒惡止也修學處善行也瑜伽云既發心已應於七
 處修學故名學處謂一自利處二利他處三真實義
 處四威力處五成熟有情處六成熟自佛法處七無
 上正等菩提處次一偈半雙顯二德若不持戒尚不
 能得疥癩野干之身況於菩提戒止妄非則性淨菩
 提開發因果功德皆依學處而生故云地也後一偈
 別明成供養行謂財法供養故云大也次一信法後
 一偈信僧文並可知二有三頌半成展轉行展轉係
 前功歸於信二若爲諸佛下三十九頌明所具諸位
 於中成後四位卽爲四段初三頌明十住位有六句
 初句發心住次句治地修行二住次句生貴住次句
 方便具足住次句正心住後句增上是不退住最勝
 心是後三住準下釋之二若得增上下二頌半明十
 行位波羅蜜是十行總名摩訶衍是異一乘行初二
 行收如法供養是順理行次二行攝念佛心不動及
 常見佛竝是定慧行故屬後六行釋相可知三若常
 觀見下三頌明十迴向位通顯三種迴向佛體常住

是向菩提法永不滅是向實際餘向衆生四若得堅固下三十頌半明十地位初半頌是初地謂深法是所證真如愛樂是極喜異名二半頌是離垢地以離犯戒有爲過故三一頌離慢等是三四二地以三地於禪不著故無慢又以求法不懈亦名離慢第四地得出世間道品故云無放逸然不捨攝生故云兼利四有一頌明五地謂雖得出世而還處生死故無厭真俗互違難合能合餘地不過故云勇健無能勝此是難勝之名也五有一頌明第六地悲智不住般若現前謂神通攝物是大悲行知衆生行是十二緣生三頌明第八地略辨六義一道勝謂無功用道故云勇猛無上二力勝謂智力摧魔三用勝謂超四魔境捨分段故無蘊魔無捨命故無死魔惑不現行故超煩惱魔覺佛十力故超天魔四位勝不動地故云不退也五行勝謂得無生忍六因勝謂此位中當大授記位也八二頌明第九地作大法師略辨四義一諸佛加持名佛現前二解了諸佛深密之法三諸佛憶念增其慧力四佛德自嚴爲衆說法九若以佛德下

10 1 2 3 4 5 6 7 8 9 10 11 12 13 14 15 16 17 18 19 20

撰述

大方廣佛華嚴經疏卷第

三

軍才

十九頌明第十地位分五初八頌二業殊勝德初五
頌半身業於中前三頌明身體德殊勝後二頌半明
身業大用次演說一頌半語業勝說法益生後二頌
意業勝智先導故二若以智慧爲先下四頌明三業
廣大功三輪攝生德初一頌身業次一語業後二意
業三若知煩惱下二頌辨得法結位四若得十地下
三頌明三昧分大盡分受位分竝顯可知五若蒙下
二頌明大用難測亦是釋名分事也謂以大法智雲
含衆德水能蔽如空龐重故又若蒙下二頌亦是進
入佛地第三菩薩勤修下三頌結歎其德初二法說
後一喻況前中賢首云初二句悲願內滿謂菩薩勤
修等者結前若字下義無不果者結前則字下義以
若有彼則有此非是前後釣鎖相因唯是本位信中
有此則有彼同時具有而說有前後是故信門具足
一切行位之相然行雖無量皆以悲願爲首故就此
結之次二句明此悲願益物不空次一頌結前所具
行位初句舉人標法威神卽信爲能具之由次句結
能證智眼證如如永常故次二句結所證道十善舉
二地行等取餘地及餘位餘道謂教證等勝寶皆現
後一頌喻況唯喻後偈初句及威力喻前初句信體

10 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

堅固以喻金剛竝居智海之內以信威効能生所生衆寶卽喻前第三句行位第三句喻前法眼常全第四或有利土下二百三頌明無方大用分彼能無邊大用者由普賢德徧一切時處法界無限故略辨十門三昧業用一圓明海印三昧門二華嚴妙行三昧門三因陀羅網三昧門四手出廣供三昧門五現諸法門三昧門六四攝攝生三昧門七俯同世間三昧門八毛光照益三昧門九主伴嚴麗三昧門十寂用無涯三昧門以無不定心故皆云三昧作用不同略辨十種又初門依體起用末後明用不異體中間竝

顯妙用自在又十三昧皆具此三今初六頌明海印三昧文分爲二前五別明業用周徧後一總結大用所依前中三初三佛事次一三乘後一類餘總顯十法界之化也前中初一總明現佛說法次一體用自在初句揀非二義一念無分別二動無功用下三句顯正二義謂無念之念一念徧於十方無功之功多門攝於羣品月喻四義準法可知後一結用所依海印之義昔雖略解未盡其源今以十義釋之以表無盡之用下經云如淨水中四兵像乃至莫不皆於水中現又云海有希奇殊特法能爲一切平等印衆生

10123456789180123456789190123456789

寶物及川流普悉包容無所拒故大集十四云如閻浮提一切衆生身及餘外色如是等色海中皆有印像以是故名大海爲印菩薩亦爾得大海印三昧已能分別見一切衆生心行於一切法門皆得慧明是爲菩薩得海印三昧見一切衆生心行所趣然此經文多同出現但出現現於四天下像又約佛菩提大集唯闍浮約菩薩所得然自見心所趣等了根器也此文所現形類應根器也二文互舉皆是所現菩薩定心以爲能現言十義者一無心能現義經云無有功用無分別故二現無所現義經云如光影故出現

品云普現一切衆生心念根性欲樂而無所現故三能現與所現非一義四非異義經云大海能現能所異故非一水外求像不可得故非異顯此定心與所現法卽性之相能所宛然卽相之性物我無二五無去來義水不上取物不下就而能顯現三昧之心亦爾現萬法於自心彼亦不來羅身雲於法界未曾暫去土之五義與鏡喻大同六廣大義經云徧十方故普悉包容無所拒故明三昧心周于法界則衆生色心皆定心中物用周法界亦不離此心七普現義經云一切皆能現故出現云菩提普印諸心行故此與

10123456789180123456789190123456789190

廣大異者此約所現不揀巨細彼約能現其量普周
又此約所現無類不現彼約能現無行不修八頓現
義經^二一念現故謂無前後如印頓成九常現義非
如明鏡有現不現時十非現現義非如明鏡對至方
現經云現於四天下像故四兵羅空對而可現四天
之像不對而現故云非現現也以不待對是故常現
該三際也具上十義故稱海印諸佛窮究菩薩相似
問仁王三賢都無八相之文初地方云方生百三千
一時成正覺此之八相豈在信門答卽上所引大集
亦云灌頂住菩薩得佛神力若菩薩成就如是等法
能於無佛世界示現八相乃至廣說彼說住終若占
察經漸次作佛略有四種何等爲四一者信滿法故
作佛所謂依種性地決定信諸法不生不滅清淨平
等無可願求故二解滿作佛三證滿作佛謂淨心地
四一切功德行滿作佛依究竟菩薩地起信依此說
信成就發心能入相作佛文據昭然況圓融門中不
依位次寄終教說信滿卽能因果無礙以因門取常
是菩薩以果門取卽恒是佛或雙存俱泯自在難思
又此化現非唯一位依一類界而能具攝一切地位
徧於時處故云念念徧十方也第二嚴淨下華嚴好

170 1 2 3 4 5 6 7 8 9 100 1 2 3 4 5 6 7 8 9 150 1 2 3 4 5 6 7 8 9 180 1 2 3 4 5 6 7 8 9 210

行三昧文有十句略辨七行前六句各一行七八是
 十度行九結上自在十總結所依萬行如華嚴法身
 故餘如別說第三一微塵中下四頌明因陀羅網三
 明門於中初二句標定心境然有二意一由一多相
 卽故入一定能成多定由成多定令一塵內有一切
 塵一一塵中現一切刹二但令一塵現刹一切亦爾
 故云成就一切微塵定次二句明不壞相而普現故
 云不增次二頌明一塵中所現刹相無礙如焰重現
 如帝網次半頌舉一例餘亦有二意一例上一塵之
 內所具之塵二例如一塵入定示現餘塵入定示現

亦然後二句結用所因略辨三門一三昧力此同標
 中二不思議解脫力如不思議品云於一塵中現三
 世佛刹等三神通力謂幻通自在並如下說第四若
 欲下十八頌明手出廣供三昧門初一總標後一通
 結中間別顯欲顯勝妙略舉一手爲供所依由於昔
 時以手持供供佛施人稱周法界故令真流供具等
 諸佛之難思第五菩薩住下八頌明現諸法門三昧
 門分四初一總標多門二有五頌別顯二十種門供
 等卽門通入佛果故三一頌半結多所因由四悉檀
 故初半對治次半世界隨行差別卽當爲人而成就

言謂第一義四半頌結用難測第六有妙下十七頌
明四攝攝生三昧門文分爲二初一偈總標名用餘
頌別顯於中分四初四頌布施攝初一偈半求受用
者恣其所須次半偈求自在者施以王位又此施位
卽難行施以是可愛著故次偈身行法施後偈妙色
悅心是無畏施又後二偈初身行法儀後服世妙飾
貴悅物心隨求卽與次二頌愛語攝一切愛語謂慰
喻慶悅勝益之言言種種梵音者卽八種梵音一最
好聲其音清雅如迦陵鳥二易了聲言辭辯了三和
調四柔軟五不誤六不女七尊慧八深遠言俱枳羅
者亦云都吒迦此云衆音合和微妙最勝皆愛語之
具隨心說法應在後偈隨世所宜應在前偈以喻伽
一切愛語略有二種一隨世儀軌語二順正法教語
今開示佛說八萬法門卽順正教也三有一頌明同
事攝物見菩薩俯同其事知有義利而修行故於中
初頌一切同事八風等事皆悉同故後偈謂行同事
忍於諸苦而同事故四有八頌明利行攝謂說趣義
利之行以益有情於中初二偈一切利行此有三種
一於現法利勸導利行謂令以德業招守財位以益
近故經文略無二於後法利行謂勸捨財位清淨出

1012345678918012345678915012345678912

撰述

釋

軍

家卽當初偈三於現法後法利行謂勸離欲卽後偈也又初一偈卽難行利行此自有三一不識出離卽外道異執二不求解脫卽未種善因三現捨國財誘財位於此利行是謂難行次一句卽攝二利行一卽十種清淨利行也二令離十惡卽此世他世樂利行次三句卽善士利行慈心勸導等故次二偈卽遂求利行謂衆生爲八纏所繞開解令離故名遂求初偈卽化無愧纏以恃壽長不知進修不知此身但姪欲生終竟敗壞具諸煩惱故後偈開解無慚纏衆生餘略不具次二偈卽一切種利行初偈卽應攝受者而攝受之後偈卽應調伏者而調伏等後一偈卽一切門利行謂不信令信故亦總結諸利行也瑜伽廣說利行居先略明同事居後此則先略明同事者以利行中若以行勸修與愛語相近若自示行卽同事相近同事卽是利行利行未必同事此二相近廣略互彰耳又次下三昧亦同事故第七雅思下十七頌俯同世間三昧門於中三初六身同世間利益衆生若依若正無不示爲次六不同外道救彼邪黨初五別辨後一總結義如別說三衆生迷惑下五頌明語業大用初一總明次三別顯後一總結別中云或邊

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

法華經疏卷二

七

軍六

呪語者梵云達邏鼻茶曼達邏鉢底禪言達邏鼻茶
者是南印度中邊國名也此云消融曼達邏者呪也
鉢底禪者句也謂其國人稟性純質凡所出言皆成
神呪若隣國侵害不用兵仗但以言破之彼自喪滅
故曰消融呪句也或云唯童男童女方得言成呪句
餘不得也又天密語等者婆沙七十九說世尊有時
爲四天王以聖語說四諦二王領解二不能解世尊
憐愍故以南印度邊國俗語說四諦二天王中一解
一不解世尊憐愍故復以一種箇戾車語說四聖諦
時四天王皆得領解善破於他者以因明比量等真
能破故非外所動者眞能立故不爲他破後一偈類
結非唯說四諦六度萬行等皆然一心說法得語實
性能起隨類之用名三昧力已下第十五經第八有勝三昧
下八十九頌半明毛光照益三昧門智契解脫之門
慈熏身語意業故得身同法界大用無涯毛光觸物
爲益萬品徧於時處緣者會之是謂菩薩圓建立衆
生也文分爲五初一頌標門總辨二所放光明下別
明一毛光明業用三如一毛下類顯一切毛光業用
四如其本行下釋成分齊五若有聞下聞信光益今
初就所益說故名安樂就第二段中二初略辨四十

四門光用後如是等下結略顯廣就四十四光中皆有四義一標光名二辨光用三出光因四結光果類例相從分爲十段五對初有二光顯示三寶二有四光令發大心上二卽三寶四弘對三有二光總圓福智四有二光入理持法上卽二嚴二持對五有六光六度行圓六有七光四等救攝卽六度四等對七有一光總彰三學八有八光雜彰萬行供養爲先爲三學萬行對九有六光令六根內淨動與理會十有六光明六塵外淨觸境皆道節根清境淨對今初二光中前一顯現於中初句標名以近初標但云所放不言又放次三句辨用後偈辨因中示三寶令其正歸示正道令其正向上通一體及別相三寶亦示佛塔令其正信義兼住持後一光照耀用有七句一偈辨因竝顯可知第二四光令發大心中卽四弘願也初一令衆生無邊誓願度因中興有爲而毀有爲二一光令煩惱無邊誓願斷因中興有爲而讚禪定上二皆事理兼修三工欣佛果四愛樂三寶窮盡法門因中四弘之終故總結云及示發心功德行第三有二光總圓福智智因中分別法相決了眞理無虧理事不減佛法故得一念悉解多門第四二光入理持法

初一慧入二空卽義持也後一具四總持於法自在
第五六度光中戒因中云發大心者謂若發二乘心
則破淨戒大心導善不在人天勤策萬行慧爲上首
各加一偈餘可思之第六有七光四等救攝中初一
慈光與佛慧真樂見無量佛此有二義一見事佛真
樂因故二見心佛一一心華有覺性故次三悲光拔
苦初一厄難苦次一疾病苦後一死苦令見佛者一
捨命不恐二惡道不畏又要臨終勸者智論二十八
云臨終少時能勝終身行力以猛利故如火如毒依
西域法有欲捨命者令面向西於前安一立像亦面
向西以旃頭挂像手指令病人手捉旃脚口稱偉名
作隨佛往生淨土之意兼與燒香鳴磬助稱佛名若
能行此非直亡者得生佛前抑亦終成見佛光也若
神游大方去留無礙者置之言外不爾勉旃斯行次
二光令生法喜初則欣法聽說法喜已克終則觸境
無非佛法成喜之極後一令成大捨捨除放逸衆惑
之根第七一光總彰萬行三學攝盡故曰普聞第八
八光雜明諸行供養爲先前五供敬由後三施悲田
第九六光內淨六根第十六光外清六境文並可知
戈者平頭戟也鋌者小矛也第二如是等比下結略

10123456789180123456789190123456789

顯廣一毛之用光有塵沙第三如一毛下類顯一切
 光業用及結用所依謂三昧力第四如其下釋成
 分齊如是等光今何不見謂有緣者見如日覩光無
 緣不覺盲瞽常闇於中分二初偈總明如其本行牒
 前往因所得光者牒前果用若有宿緣及曾同行者
 則隨其所見如是差別後六偈別顯於中初二法說
 後四喻說前中初偈宿緣宿有四緣一昔同業二愛
 其行三能隨喜四但見所作後偈現因不必有緣但
 功行內著光明爰燭有三種因一修廣福二供多佛
 三求佛果卽福智二嚴也上之七類皆蒙光照二喻
 說中雙明見與不見二喻皆有法合初日出喻喻光
 爲益因合中謂法日常明有智慧者心不住法如人
 有目則能得見有三類人則不能見一者凡愚二邪
 信外道三劣解二乘皆無因緣如人無目後寶嚴喻
 諭光正益明法寶常存由福無福有處不處第五若
 有下一頌明聞信光益謂信仰解了不生疑惑則成
 佛果不以不見疑菩薩之無光不以極苦莫救謂光
 明之無益亦不高推果用謂菩薩不能故云永斷諸
 疑第九有勝三昧下六頌主伴嚴麗三昧門亦是出
 現三昧文分三別初一標門顯意次四明一方業用

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

於中前三法說後二喻合既言量等三千則不壞次第劣於十地及等覺也三一頌類顯十方第十有勝三昧名方網下三十四頌半明寂用無涯三昧門約處名爲方網約相是謂寂用亦總顯上來動寂無二故文分爲三初一標名總辨十方交絡出入縱橫故名爲網二或於下三十二頌半正顯業用三是名下一頌總結難思就業用中分三初二頌於十方處交絡出入明於器世間自在二有五頌十方佛所入出無礙明於智正覺世間自在三於眼根下二十五頌半通顯於三世間自在菩薩於三世間自在略有二義一以自身作三世間故得自在二菩薩於三世間處示現自在今此三段初二約後義後一通二義文或綺互理實皆具初二世間略有四重無礙一約處謂東處卽是西處是故菩薩常在東恒在西也二約佛謂東佛卽西佛是故在東佛恒在西佛三約菩薩身不分謂在東之身卽是西身四約定謂入定卽是出定所以爾者略顯二因一以所觀之法事隨理融相卽在故二能觀之心亦寂用無礙故然此文中爲顯菩薩祕密隱顯自在德故但說後二若辨前二則似菩薩無力三於眼下通顯於三世間自在文分爲

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

四一明根境相對以辨自在二童子下明於他身自在三鬼神下明微細自在四一切塵下器界事中以辨自在今初十二頌六對一一對中有十義五對無礙之相欲辨無礙先須明識定慧此中云三昧起者觀也入正受者定也定慧雖多不出二種一事二理制之一處無事不辦事定門也能觀心性契理不動理定門也明達法相事觀也善了無生理觀也諸經論中或單說事定或但明理定二觀亦然或敵體事理止觀相對或以事觀對於理定如起信論止一切相乃至心不可得爲止而觀因緣生滅爲觀或以理

觀對於事定下經云一心不動入諸禪了境無生名般若是或俱通二如下云禪定持心常一緣智慧了境同三昧是也或二俱泯非定非散或卽觀之定但名爲定如觀心性名上定是也或卽定之觀但名爲觀如以無分別智觀名般若是也或說雙運謂卽寂之照是也所以局見之者隨囑一文互相非撥偏修之者隨入一門皆有剋證然非圓暢今此經文巧顯無礙言五對者第一對根境無礙謂觀根入定應從根出而從境出者爲顯根境唯是一心緣起無二理性融通是故根入境出耳境入根出亦然第二對

10123456789180123456789150123456789

理事二定無礙謂分別事相應入事定而入理定欲觀性空應入理定而入事定以契卽事之理而不動故入理卽是入事制心卽理之事而一緣故入事卽是入理而經文但云入正定不言理事及乎出觀境中卽云分別色相斯事觀也根中卽云性空寂者理觀也亦合將根事對於境理以辨無礙第三對事理二觀無礙謂欲分別事相應從事觀起而反從理觀起者以所觀之境旣眞俗雙融法界不二故分別事智卽是無生之智二觀唯是一心故亦應將境事理對根事理以辨無礙第四對出入無礙以起定卽是入定故起定而心不亂若以事理相望應成四句謂事入事起事入理起等若以根境相望又成四句謂根事入境事起等一一思之皆有所由第五對二利體用無礙謂於眼根起定心不亂是體也自利也而不礙現於廣境是用也人天不能知利他也良以體用無二故自利卽是利他此上十義同爲一聚法界緣起相卽自在菩薩善達作用無礙思之思之又經且約根境相對亦應境境相對謂色塵入正受聲香三昧起等此如下童子身中入正定等中明復應根根相對謂眼根入正受耳根三昧起等一塵入正受

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

多根三昧起等竝略故不說上來無礙深妙難思始學之流如何趣入今當總結但能知事理無礙根境一如念慮不生自當趣入又向云色性難思等卽色等總持是色陀羅尼自在佛等亦應云分別眼性難思有眼陀羅尼自在佛等又眼中云性空寂滅卽眼之度門眼等本淨亦應云色等度門色等本淨不唯取相爲染無心爲淨而已也又以智論三觀束之分別色相等是假名觀也性空寂滅是空觀也此二不二色性難思中道觀也三無前後皆是一心對此三觀應辨三止謂方便隨緣止體真止離二邊分別止既止觀雙運亦名一心三生也卽一而三卽三而一雙照三一雙遮三一是無礙也一一釋文準思可見此是菩薩圓融功德而自莊嚴觸目對境常所行用希心玄趣幸願留神二童子下六頌半於他身得自此有三義一如前眼根入等但約見境爲出入耳二菩薩化現彼身作此轉變速疾也三菩薩以衆生身作自身如下十身相作等是故於彼身入此身出而彼不覺知唯應度者知得度也三鬼神下二頌半微細自在謂毛孔約正報卽佛及衆生毛頭約空處微塵是色相多約器界竝身在中入定出定爲顯三

支那
古今圖書集成卷之二
東京大学総合図書館所蔵

卷之二
三
宣六

東京大学総合図書館所蔵

1012345678918012345678915012345678910

昧純熟隱顯自在故亦通觀彼入出定等卽於境無礙也若唯約身在彼下十定中亦云無生法中入起安有處耶四一切塵下四頌半器界事中周徧出入然菩薩身普徧略有四位一普徧一切十方刹海二徧彼刹內樹等物中三徧一切塵毛等中皆圓徧非分徧是故皆全身顯現四以是法界身故不異不分恒在此常在彼無有前後第三是名下一頌總結初句以德命人次句依人顯德後半明說不盡近結第十定用無盡遠結前十定大用無盡以是無盡之法門故第五一切下喻況玄旨分亦名舉劣顯勝分以上所說普賢行德窮于佛境蓋是信滿之位旣越常規乖於視聽滯情封教取信無由故舉斯近事以鏡玄趣令開悟也七十九頌分爲三段初二總標喻意二七十六頌別顯喻相三一頌結說顯德今初先一偈半明非喻能喻後半偈借喻通玄今初舉四難思意在菩薩神力瑜伽決擇分有六種不可思議謂一者我二有情三世間四有情業果五諸修靜慮者靜慮境界六諸佛世尊諸佛境界今衆生舍其前三加龍變化所以有四菩薩神力卽靜慮者境界舊經梵本皆云禪定力用故然衆生業報四因難思謂處所

差別故事差別故因差別故異熟果差別故諸龍變化不起心念六天四洲雲雨不同等故難思也佛自在者有五難思謂真如甚深故自在轉故無漏界證得故無障礙故成立有情所作事故菩薩神力由三種相除佛後二以今經文分同佛五以皆超言念故無可同喻後半中然取分喻以小喻大令聞喻者忘象領意故襯以智者二聲聞下別辨中略顯二十種大喻以況菩薩之德初有三頌半明聲聞現通喻況菩薩自在益生德先明喻末偈舉劣顯勝不爲衆生無大悲也不求菩提無大智也大饒益者具悲智也

二有二偈日月現影喻況菩薩普應羣機德三有二頌水現四兵喻喻菩薩海印現像德四有二頌善音巧辨喻喻菩薩總持巧說德五二頌女授辯才喻喻授法益生德六譬如幻師下二頌幻師巧術喻喻不思議解脫德七二頌修羅隱形喻喻勝通隱顯德八五頌象王隨變喻喻定用自在德九二頌修羅大身喻喻法界身雲德同於上文主伴嚴麗十有四頌帝釋破怨喻喻降伏衆魔德十一利天下六頌天鼓說法喻況菩薩以無功用現身說法德十二有三頌天鼓安慰喻況菩薩慈音除惱德十三有三頌天王

普應喻普應悅機德十四有二頌魔繫患夫喻
攝生同行德十五有二頌梵王殊現喻況菩薩解脫
自在德十六魔醯下二頌自在數滴喻況菩薩一念
普知德十七三頌大風成事喻大願宿成德十八
二頌衆聲悅意喻四辯悅機德十九二頌大海包
含喻禪慧普修德二十大海龍下二十四頌半龍
王游戲喻菩薩游戲神變德文分爲二初二十二
頌半明龍王大用不同後二頌正明舉劣顯勝前中
初半偈總標餘頌別顯於中四初四偈半雲色不同
喻菩薩身雲各異次有四頌電光差別喻菩薩光明
等殊第三偈云寶藏色者梵云室利揭婆此云勝藏
勝藏卽寶名也闍浮提中帝青色者梵云天帝火焰
摩尼色亦珠寶名也三有三頌半雷聲不等喻菩薩
三昧多種四有十頌所兩不一喻菩薩說法多門言
曼陀羅者此云悅意澤香卽塗香也鷄羅多摩者鷄
羅此云華藥多摩此云天上華謂此香是天華藥所
作故也婆利師迦者此云雨時生華末利香卽華名
其色猶黃金第二如是無量下二頌正舉劣顯勝謂
娑竭羅龍於六欲天等總十五處現斯作用而身不
動搖心無分別但由業報之力現斯自在菩薩亦爾

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

攝述

卷之二十一

三

軍六

住無功用不動不思於十方界應現多種亦以菩薩功德之力隨機見殊此就喻意顯勝可知第二彼諸下一頌結說難思前半非喻能喻後半結上略說引諸喻者略有二意一顯菩薩自在不同一貴令衆生起信且江南之人不信千人氊帳河北之者多疑萬斛之舟皆耳目不聳故耳所以或舉目擊或據具縛之人自在若斯菩薩之用固當無惑今猶疑者豈不傷哉大文第三第一智慧下九頌校量勸持分此廣大用人皆有分見而不習誠爲自欺故中人可勸而進也於中分二初一頌結前所說略就六慧結之第一者上無加故二廣大者語其分量超二乘故三真實者明其體性內證無虛故四無邊者有二義一量智普知故二離種種二邊故卽中道慧也五勝者超地位故六殊勝者同普賢故二此法下八頌明信受難得於中初一總顯餘七別明前中希有者佛出懸遠已難可遇唯初成頓說故希有也奇謂初能具後特謂迥出諸乘此句讚也下文勸耳聞謂遇經忍可謂信因信則心淨受謂領文領義讚乃通言通筆說唯約言上皆所作總說皆難後別明中三初二偈半明難信次半偈況出餘行後四偈舉事校量前中初

一偈明人天之器信爲甚難若爾今或能信何耶由二力故一現修淨福稱所求故二昔因聞熏今發種故今不信者願少聽聞爲毒塗鼓終成堅種後一偈半舉三乘之信展轉難得況於一乘明文昭然權實有據第二半偈況出餘行中信忍尚難況具餘行難中之難也真實解者亦有說行而不信圓融之旨非真實解也願諸學者善擇知見第三四頌舉事校量初三校量難信初二舉二難以況信難後一舉福勝以彰信勝後一校量餘行之難唯明誦持餘略不說亦顯修行真解非可校量也此之四事後後過於

前巧辯深勝大段第三時賢首下顯實證成分於中有四一動世界大機發故二蔽魔宮唯佛境故三息惡道利樂深故四佛現證契佛心故於中摩頂讚善隨喜卽三業皆證勸物信行第二會竟

大方廣佛華嚴經疏卷第十六

音釋

筭求位切甄稽延切兜率兜當侯切梵語
王籠也
慨大號切
悼傷也
蹕郎果切鞞駢迷切篋莫結切戾車戾車此云邊地
切
鋌時連切矛迷浮切瞽果五切目朱欲切視瞻毛切
裹博毛切

110 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

揚集
下
耕車
須果
臯
驛
駕
轍
卓
大
寶
朱
上
禪
禪
牢
牢
安
當
見
時
禁
禁
口
通

揚集 下 諺果 丹 世日 驛米 然 貢 漸 手
耕車 也 駕 駕 莫詣 陀梵福 蘭 駕 漸 也
須果 也 趟也 也 趟也 也 也 也 也 也
臯 也 趟也 趟也 趟也 趟也 趟也 趟也
驛 也 趟也 趟也 趟也 趟也 趟也 趟也
駕 也 趟也 趟也 趟也 趟也 趟也 趟也
轍 也 趟也 趟也 趟也 趟也 趟也 趟也
卓 也 趟也 趟也 趟也 趟也 趟也 趟也
大 也 趟也 趟也 趟也 趟也 趟也 趟也
寶 也 趟也 趟也 趟也 趟也 趟也 趟也
朱 也 趟也 趟也 趟也 趟也 趟也 趟也
上 也 趟也 趟也 趟也 趟也 趟也 趟也
禪 也 趟也 趟也 趟也 趟也 趟也 趟也
禪 也 趟也 趟也 趟也 趟也 趟也 趟也
牢 也 趟也 趟也 趟也 趟也 趟也 趟也
牢 也 趟也 趟也 趟也 趟也 趟也 趟也
安 也 趟也 趟也 趟也 趟也 趟也 趟也
當 也 趟也 趟也 趟也 趟也 趟也 趟也
見 也 趟也 趟也 趟也 趟也 趟也 趟也
時 也 趟也 趟也 趟也 趟也 趟也 趟也
禁 也 趟也 趟也 趟也 趟也 趟也 趟也
禁 也 趟也 趟也 趟也 趟也 趟也 趟也
口 也 趟也 趟也 趟也 趟也 趟也 趟也
通 也 趟也 趟也 趟也 趟也 趟也 趟也

音釋

大士寶訶華藏聲疏卷第十六

酬喜唱三業普鑿懶言詩集二會竟

惡童味樂累姑四訶東嶽獎訶心姑念中望貢
首四一幢世界大燄幾姑一蕭翼宮銷訶竟姑三身
首一藏累姑大燄竟姑三身竟姑不難費鑿丸叅

大方廣佛華嚴經疏卷第十七

唐清涼山大華嚴寺沙門 澄觀撰

升須彌山頂品第十三下 第六經

初來意者先辨會來前信此解義次第故又答十住
問總有二段前信是住之方便此明正位故次來也
二品來前品說信究竟此品趣後說住故次來也二
釋名亦先辨會名約處名忉利天會約人名法慧菩
薩會約法名十住會皆依主釋二品名須彌正云蘇
述盧此云妙高如來以自在力不起覺樹應機現彼
故云升也表位漸增不處人間顯位清淨故居天也

若天表淨何獨妙高妙有十義如於法故一者體妙謂四寶所成二者相妙謂八方四級三者色妙謂四正色北金東銀南吠瑠璃西頗胝迦一切草木鳥獸等物隨所至處則同其色自常不變四者德妙謂八方猛風不能令動五眷屬妙謂七金山七重圍繞及七香海海印旋流六依持妙唯天依住得通者居七作業妙不離本處而鎮四洲映蔽日月而成晝夜八生果妙謂波利質多能益天衆九爲首妙於四洲地最在先成十堅固妙於輪圍中最在後壞高者高八萬四千由旬入水亦爾下據金剛上隣空界頂上從廣量亦如之獨出九山故稱高也十住之行亦復如是聞思修解而爲妙體四德八聖以爲妙相四辯爲色令物解同雖同衆音自智不變八法不動而爲妙德七支奉戒金山圍繞七識流轉而爲海印第一義天依持而住可以神會非情能升不離本處偏應十方映蔽佛口及菩薩月而成涅槃生死晝夜生教行果而爲妙樹世界初成菩薩先出爲衆生現種種資具世界將壞菩薩後沒爲說上定令免三災高者具成八萬四千諸度法門自在障外爲衆生故入生死海亦具八萬四千諸度法門據金剛性隣勝義空又

10 1 2 3 4 5 6 7 8 9 10 11 12 13 14 15 16 17 18 19 20

智入佛慧必窮其底德超方便迥出羣峰爲顯十住
功德妙高是故須升妙高山頂四王處半旁而非正
表住不退異信輕毛故越彼天居妙高頂善財童子
於妙峰山頂見德雲者亦表斯位彌顯有由然上所
釋皆圓教意故下發心品云應知此人卽與三世諸
佛同等與三世佛功德平等得如來一身無量身纔
發心時卽爲十方一切諸佛共所稱歎不可同於方
便教說若約觀心妙高者謂三昧須彌寂然不動無
思無心不收不攝任性而定稱本心地入佛智海湛
然不遷是妙法樂觸境自在合本性淨是四德寶而
自莊嚴斯則本覺如來升法須彌之頂三宗趣者先
約會以十住行德爲宗攝位德果爲趣二品以嚴處
請佛赴感爲宗根緣契合說法爲趣四釋文者此會
六品分爲二分初二品方便發起後四品當會正說
前中初之一品唯是由致偈讚一品義有兩兼一是
方便謂前品化主赴機後品助化讚佛主伴圓備方
演法故二是所依謂三天說法各有偈讚欲顯三賢
皆依佛智有差別故離如來智無自體故獨爲方便
甚抑讚詞行向二會同此科判今初一品長分十段
一本會齊現二不離齊升三各見佛來四各嚴殿座

170 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

五皆來請佛六俱時入殿七樂音並止八各念昔因九同讚如來十殿皆廣博嚴淨也言爾時者卽前二會時主伴齊徧演前二會之法也今此明徧卽十重說處中第一重也何須舉此欲明前會不散成後會故後必帶前合成法界無礙會故一一諸會無休息故後後諸會皆同時故若散前會卽無後故所以唯約覺樹會者此爲本故得佛處故理實第二亦同此徧若同時徧何有九會前後若有前後何名同時應云卽用之體同時頓徧卽體之用不壞前後猶如印文第二爾時下明不離覺樹各升釋天問動靜相違去住懸隔旣云不離何得言升古有多釋一云本釋迦身不起道樹別起應化以升天上一云不起是報升天是化一云不起是法身升天是化用並非文意以此文中俱是毗盧遮那十身雲故一云以去卽非去故名不起非去卽去是以升天如不來相而來等若爾但是升相離故非是樹下別有不起之身故不可也有云此佛神通同體業用卽住是去去卽是住住是體徧去是用應應是體應雖升後而不離前體是應體雖不離前而升後若爾何殊第三師不起是法又以住釋於不起而言住是體徧何得獨住菩提

東支那
大正廿年夏至克
四
五
軍七
東京大學総合図書館所蔵

去住懸隔旣云不離何得言升古有多釋一云本釋迦身不起道樹別起應化以升天上一云不起是報升天是化一云不起是法身升天是化用並非文意以此文中俱是毗盧遮那十身雲故一云以去卽非去故名不起非去卽去是以升天如不來相而來等若爾但是升相離故非是樹下別有不起之身故不可也有云此佛神通同體業用卽住是去去卽是住住是體徧去是用應應是體應雖升後而不離前體是應體雖不離前而升後若爾何殊第三師不起是法又以住釋於不起而言住是體徧何得獨住菩提

10 1 2 3 4 5 6 7 8 9 10 11 12 13 14 15 16 17 18 19 20

樹耶升天何得非體徧耶菩提樹下寧非用耶今顯正義然佛得菩提智無不周體無不在無依無住無去無來然以自在卽體之應應隨體徧緣感前後有住有升闇浮有感見在道樹天宮有感見升天上非移覺樹之佛而升天宮故云不離覺樹而升釋殿法慧偈云佛子汝應觀如來自在力一切闇浮提皆言佛在中此不離也我等今見佛住於須彌頂此而升也文理有據更以喻顯譬猶朗月流影徧應且澄江一月三舟共觀一舟停住二舟南北南者見月千里隨南北者見月千里隨北停舟之者見月不移是爲此月不離中流而往南北設百千共觀八方各去則百千月各隨其去諸有識者曉斯旨焉古德釋此略有十義一約處相入門以一處中有一切處故是故此天宮等本在樹下故不須起然用彼故說升也二亦約相入門以一處入一切處故樹徧天中亦不須起欲用天宮表法升進故云升也三由一切卽一故天在樹下四由一卽一切樹在天上不起等準前五約佛身謂此樹下身卽滿法界徧一切處則本來在彼不待起也機熟令見故云升也是故如來以法界身常在此卽是在彼六約佛自在不可思議解脫謂

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

撰述

妙義圖經卷一

五

甲

坐卽是行住等在此卽在彼皆非下位測量故也七
約緣起相由門八約法性融通門九約表示顯法門
十約成法界大會門然此十解前五玄門次四所以
後一總意欲成十義相參而立雖似雜亂不違經宗
竝可用也然此中相望有四對法相卽無礙一此處
彼處二此身彼身三若去若住四若一若多約處此
處彼處相卽無礙應如十中前四約身相卽無礙應
如五六及前正顯又十中後四通於身處約處唯有
此彼約身更加去住謂此身卽是彼身去身卽是住
身若身若處俱通一多上來諸法同在一時無前後
也一多相望應成四句一不離一切樹下升一天宮
卽如今文二不離一樹升一切天三不離一切樹而
升一切天經云十方世界悉如是故四不離一樹下
而升一天經中欲顯一多相卽故舉初句升釋天旣
爾升餘天亦然如後二會升天旣爾往餘處亦然復
應樹樹相望而成二句謂不離一樹下常在一切樹
不離一切樹而常在一樹復應以不起餘處類不起
樹下展轉相望皆悉周徧不壞前後自在難思又旣
一處有一切處亦有微細義所用不同有隱顯義若
加前時後時有十世義唯見說住及於餘法有純雜

170 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

義後後帶於前前有帝網義此天望餘成主伴義十
玄具矣問帶前起後事理應齊何故三賢獨有斯旨
答顯異義故謂初二會相隣接故不假帶前此三人
天隔越故須連帶又此三會同詮賢位六已入證不
假帶前第七卽位中普賢居然不假第八頓彰五位
體用已融第九唯明證入體用一味故竝皆不假第
三時天帝下明各見佛來約佛則用從體起約機境
從心現隣而未卽故云遙見第四卽以下各嚴殿座
表嚴根欲之殿爲法器故置師子座表十住之法門
故文有十句初總餘別總云普光明藏者此是解位

智照法空含衆德故從信始入故有置言別中初句
約體餘竝顯嚴皆云十千者萬行因感故言層級者
萬行熏成故金網防護慈悲帳蓋以育以覆四攝繒
綺以爲周垂圓融行願交絡革善柔忍慚愧以覆法
空第一義天清淨梵行繞斯法體一一智照故日光
明於生死中遣長夜闇舉斯果德令物行因下行向
中約位漸增表法無異第五爾時帝釋下請佛居殿
於中三業崇敬以爲請儀言善來者應機來故不來
相而來故帶法界會來故三稱善者喜之至故舉三
號者略歎德故願哀處者希仗勝田生大福故第六

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

爾時下俱時入殿謂根緣契合成益不虛十方如是
 通上六段入殿事訖故一結通下四段文殿中之事
 第七爾時下樂音止息謂攝散歸靜得定益故第八
 卽自下各念昔因獲智益也散緣既止勝德現前寂
 然無思發宿住智種善根者卽下十佛曾入此殿聞
 法供養故亦表見自心性同昔佛故第九迦葉下同
 讀如來然三世諸佛皆於此處說十住法獨讀十者
 表說十住及無盡故所以讀者義乃有四一十佛曾
 處則殿勝可居二互舉一德例讀本師三敘昔善根
 慶遇堪受四昔佛同說表法常恒文中先明此界後
 辨結通今初十頌各上半標名讀德上句別下句通
 下半以人結處唯初一句諸佛不同然佛別名多因
 德立讚者取德以釋上名初迦葉者此云飲光若從
 姓立示生彼族若就佛德一者身光蔽餘光故二者
 悲光飲蔽邪光故拘那牟尼舊曰金仙亦云金寂寂
 故無礙金故明見迦羅鳩駝者具云迦羅鳩村駝此
 云所應斷已斷如金已淨如山不動亦可見無礙者
 是此佛德如金山者是前佛德毗舍浮者亦云毗溼
 濁部毗溼婆者此云偏一切也部者自在也亦云偏
 勝無三垢故無不自在而超勝也三垢者現種及習

101234567891801234567891901234567891

尸棄亦云式棄那此云持髻亦云有髻無分別智最
爲尊上處心頂也又髻中明珠卽無分別也毗婆尸
者此翻有四謂淨觀勝觀勝見偏見如月圓智滿是
偏見也魄盡惑亡是淨觀也旣圓且淨是勝觀勝見
也弗沙亦云勃沙此云增盛明達勝義是增盛也提
舍亦云底沙西域訓字底邏那此云度也沙是皤沙
此云說也謂說法度人或但云說辯才無礙者卽能
說也波頭摩者此云赤蓮華身心如蓮華淨無塵垢
然燈者智論云此佛從初現生乃至成佛舉身帶光
如然燈故身智光明普周稱大然十中後七乃過去

劫佛如何賢劫曾入殿耶古釋有二一約時劫相卽
入故二約其處有麤細故麤隨劫壞細者常存如法
華天人見燒我土不毀又梵王見淨身子見穢今此
天帝是大菩薩同梵王見亦佛加故二如此下結通
十方第十爾時世尊下殿皆廣博卽示如意相廣殿
同處以遣局情亦表廓大慈悲等衆生界又如來入
殿卽覺智現前忽然廣博則身心無際十方已下結
無盡唯結後四前已結故

須彌頂上偈讚品第十四

初來意者旣明化主赴感今辨助化讚揚將演住門

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

先陳體性性卽佛智先讚如來故品來也二釋名者須彌約處讚稱佛德依處有讚故立此名亦頂上之讚揀餘處也三宗趣者以集衆放光偈讚爲宗爲成正說爲趣又顯佛德爲宗令知住體爲趣第四釋文總爲三分第一集衆分第二放光分第三偈讚分今初文有十同義兼三異謂五六七一集因同皆佛力故亦同會前時二十方下主首同三一一各下眷屬數同四從百佛下來處量同前十此百位已增故五其名下表法名同慧卽十解能見法故菩薩名異至偈釋之六所從來下世界名同同名華者位相創開無著感果故別卽次第配於十住一發心主導世間故二淨治心地如蓮開故三修行圓淨故四水生之貴故五方便堅誓故六正心無相如香氣故七不退意悅故八阿盧那者此云日出時紅赤之相童真明淨故九那羅陀者此云人持以華香妙人皆佩故王子佩持法王軌度故十智徧如空故亦可別明十住勝進十法思之可知七各於下所事佛同同名月者表位中佛果智明闇息恩益清涼應器周故別名卽十住自分十法之果一以十難得法可謂殊特二發十大心不可窮盡三觀於空等不可傾動四了知業

170 1 2 3 4 5 6 7 8 9 10 11 12 13 14 15 16 17 18 19 20

撰述

分勝解書卷第十一

單也

行生死涅槃如風不住五饒益安樂一切衆生如水
 普潤六聞十種法心定不動故得解脫七聞十不退
 可謂無上八三業無失如星明淨隨意受生燦然滿
 空神足自在若依空運轉九善知煩惱現起習氣故
 得清淨十觀察無數衆生根欲智慧心境餘不能知
 唯自明了以此十因成茲十佛上且隨要相屬以爲
 此釋委明其相如十住文八是諸已下申禮敬同九
 隨所來下威儀住同十如此下結十方同又上十方
 從東次第如名號品問準此結通卽於十方盡空世
 界皆有菩薩而來集會者且如東方過百刹塵土外
 亦有衆集未知彼因陀羅華世界爲在何處餘界亦
 爾答如名號品第二爾時下如來放光分文義有六
 一時二主三處四數五相六業處謂兩足指足指拒
 地得住有力成位不退而行有恒數位過前加於千
 也相表解顯故云妙色普照十方顯佛衆會一光照
 於一切則一切亦爾重疊無礙無不互見爲一法界
 圓明大會第三爾時法慧下偈讚分中十菩薩說卽
 爲十段初一是總餘九爲別以法慧是說法主故總
 敘此會本末事義總顯佛德餘九歎佛差別之德總
 别共顯如來無礙之會此十菩薩名亦表十住其所

110 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

撰述

分卷

七

軍北

說法表位勝進勝進有二一趣後位二趣佛果今約
 佛果今初東方法慧總了佛法故勝進中云欲令菩
 薩於佛法中心轉增廣文中觀佛現用及與往修皆
 周徧故十頌分三初五敘因佛光見多盛事初一敘
 此品放光次一敘前品請讚餘三重敘此品次二勸
 觀佛力更發勝心卽前品不起而升後三舉因結果
 初一舉因後二結果由因中行願刹刹齊修果位
 身智徧應徧斷第二南方一切慧者了一切法真實
 之性淨心地故頌意爲顯於諸衆生增長大悲以稱
 實而觀救世者故十頌分六初二違理觀佛非見佛
 次四了法真性真見佛三有一偈迷性取法不見佛
 四一偈佛卽同法爲真佛五一偈引已了法爲見佛
 六一偈推功有本了真佛初中前偈出其妄觀假設
 長時以況躉見後偈明其有損由上不依真實則取
 相乖真但見集網繫於苦獄盲無慧眼冥然不見佛
 之法身然此遮取相故假設長時無有多劫全不了
 義以見如來增智慧故第二四偈了法真性真見佛
 於中二前二真觀後二真止前中初二句空觀緣生
 無性故次二句假觀隨俗假名故次二句中觀由前
 生滅一切諸法卽無性故相體即是不生滅也後二

110 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9 120

句觀益諸法如卽是佛如無生滅佛體本常觀稱於如則佛常現況三觀一心則佛之體用無不現矣後二真止中以觀觀法能所紛動故須寂之初句牒前法性次句泯其能所法性本空非觀之使空故無所取何有能見次二句心冥性佛故止絕思求又上來空以遣有假以遣空如則雙遣空假形奪兩亡若謂雙非還成戲論故辨起心皆妄絕念方真念本自無斯絕亦滅故中論云如來寂滅相分別有亦非如是性空中思惟亦不可用斯文也後一顯觀益心冥體性惑何由生亦含三止意也又亦通結止觀稱上而

觀見惑性空卽同佛性何能染哉第三一偈迷性中上半取法次句迷性末句結過第四一偈佛卽同法如謂同空法故離三世同假法故相具足同雙遣故無住無著同如體故偏不動搖第五一偈引已中此親自證希衆無惑第六一偈推功有本者非師心也亦謙已推人異乎凡情令法鈞鎖殊塗同致下八準之第三西方勝慧以解佛勝智隨空心淨故以爲名頌意爲顯欲令菩薩智慧明了卽大智了如及佛性故十頌分四初一讚智爲迷悟本次四正顯迷悟次四喻前得失後一推功有在今初由難思故迷難則

撰述

卷之十一

十一

第十七

容有思者故有悟次四迷悟中初二迷後二悟迷中初一心外取境生想違理故不能見無相之佛後偈取蘊內相不了蘊性故不見心佛亦是愚法小乘故名無知者後二迷中前明倒想內外俱妄今有了因内外皆悟初偈翻前外取謂了一切法卽心自性性亦非性情破理現則見舍那稱於法性無内外也後偈翻前內取了蘊性相則見自心之佛與盧舍那非一非異故難思議然此一偈文舍多意一但是蘊縛有我人則破前凡夫取我相也二前後因依相續性則破凡小取法相也此性卽第一義空第一義

空卽是佛性又上性無所有正因性也前解此了皆了因性此蘊相續卽是正因亦名生因言正因者是中道義中道卽是佛性謂現在陰滅中陰陰生是現在陰終不變爲中陰五陰故現陰非常如種生牙種不至牙雖不至牙而能生牙此現在陰雖不至後而能生後則現陰非斷而中陰五陰亦非自生不從餘來因現五陰生中陰陰斯則後陰非無因故後陰非常既不能續前故後陰非斷非常是中道義正因性也能生佛果故曰生因衆生佛性有二種因一者正因二者緣因正因者謂諸衆生是故五陰卽正因

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

也緣因者謂六波羅密非蘊相生名緣因也今以了
因了彼正因故曰於此性了知了卽般若亦緣因也
第三四偈喻前得失者前三喻失後一喻得前中二
初二喻內取失於中初一顯無緣了不見正因闇中
寶者正因性也圓滿可貴所以稱寶居於無明五陰
室內如在闇中燈喻緣了之因下半法合無人說者
關於緣因雖慧莫了義含二意一慧卽正因合上寶
也闕於緣因故不能了二佛法卽寶以闕緣因雖內
有慧不成了因不見真性然則緣因卽是了因了因
未必是於緣因有親疎故善友是於緣因而必是了
佛性名爲了因未必是緣此約智慧性故若以第一
義空爲佛性者唯是正因而非了因但爲了因所了
而非生因所生若以智慧爲佛性者卽是了因若以
五蘊爲佛性者名爲正因亦名生因然復生必對了
正必對緣今燈一喻雙喻緣了闇中之寶雙喻正了
義意包含具如涅槃二十六七所辨又上燈喻旣是
正義何以涅槃師子吼立佛不許耶故師子吼言一
切衆生有佛性性如乳中酪以有性故要須緣因何
以故欲明見故緣因者卽是了因譬如闇中先有諸
物爲欲見故以燈照了若本無者燈何所照故佛難

言若使乳中定有酪性卽是了因若是了因復何須

德若言修習是了因者已同酪壞結正義云乳有酪

者以定得故佛性亦爾衆生有者以當見故然上諸

義總有二意一燈了於寶爲正義者約因性故師子

乳立佛不許者約果性故二者燈喻正者約其體性

與有不異佛不許者約其現惑與無不殊故知若言

定有名爲執著若言定無是則妄語應言衆生佛性

亦有亦無然衆生智慧是佛性因菩提涅槃是佛性

果然則佛性非因非果今此經宗宗於法性故以法

性而爲佛性則非內非外隨物迷悟強說升沉佛性

要義不可不知廣如別章及涅槃師子吼品等說後

偈自有翳者此喻了因與惑俱故見不清淨以不淨

故不見佛法佛法卽見佛性故涅槃云佛性二種一

者是色二者非色者諸佛菩薩非色者一切衆生

色者名爲眼見非色者名爲聞見佛性者非內非外

雖非內外然非失壞故名衆生悉有佛性二偈喻

上外取之失瞽謂全無於目如鼓皮故則全不見佛

無垢障爲明淨目取相是識非智慧眼故不見也三

一偈喻前悟中抉去取相之翳捨於空華之像絕見

言若使乳中定有酪性卽是了因若是了因復何須了又善男子一切衆生有佛性者何須修習無量功德若言修習是了因者已同酪壞結正義云乳有酪者以定得故佛性亦爾衆生有者以當見故然上諸義總有二意一燈了於寶爲正義者約因性故師子乳立佛不許者約果性故二者燈喻正者約其體性與有不異佛不許者約其現惑與無不殊故知若言定有名爲執著若言定無是則妄語應言衆生佛性亦有亦無然衆生智慧是佛性因菩提涅槃是佛性果然則佛性非因非果今此經宗宗於法性故以法性而爲佛性則非內非外隨物迷悟強說升沉佛性要義不可不知廣如別章及涅槃師子吼品等說後偈自有翳者此喻了因與惑俱故見不清淨以不淨故不見佛法佛法卽見佛性故涅槃云佛性二種一者是色二者非色者諸佛菩薩非色者一切衆生色者名爲眼見非色者名爲聞見佛性者非內非外雖非內外然非失壞故名衆生悉有佛性二偈喻上外取之失瞽謂全無於目如鼓皮故則全不見佛無垢障爲明淨目取相是識非智慧眼故不見也三一偈喻前悟中抉去取相之翳捨於空華之像絕見

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

契如則見如佛第四一偈推功有在準上可知第四
北方功德慧者生在佛家善解佛德故此頌意顯於
三世中心得平等了知自心窮法空故十頌分四初
四明凡小妄覺次四示其真覺三有一偈佛覺雙圓
後一偈推功有本今初分二初一偈說凡迷緣起之
無性執著相而輪迴後三頌通凡小初一辨迷執隨
言作解可謂小智心外取法爲妄分別餘二偈明過
失初二句曲徑趣寂迷一直道次半有常等倒長世
間惡有無常等長無明惡次半不見二空受二死苦
後半無實諦觀何有法眼三乘縱有亦不名諦次四

示其真覺中初偈引已之損勸物成益次偈教其真
見謂見佛無取卽是見如如卽佛所知也次偈教其
了俗上半躡前證真下半方能了俗後偈拂前二見
以成真見謂上半取真俗之見忘方見真俗之正理
下半反釋謂有真俗之可見不能見真俗之真源故
智論云若人見般若是則爲被縛下半意也若不見
般若是則得解脫上半意也若人見般若是則爲解
脫卽第六七偈意也若不見般若是則爲被縛卽第
四偈意也唯忘言者可究斯旨第三一偈顯佛二覺
雙圓不可覺中而自覺故是曰奇哉知無衆生而能

撰述

卷一

卷一

卷一

覺他大導師也第四可知第五東北方精進慧以勤觀真理集無量善俱無住故頌意爲顯欲令其心轉復精進無所染著文中由離分別如實見故十頌分二前九觀法後一推功前中三初三所執無相觀於中初一舉分別過後二顯無相觀一離所取上半知於情有下半知於理無如迷木見鬼知鬼是迷有名如實知鬼知鬼本無舉體是木名爲見木二離能取以所取空故上半舉失如若見鬼即不見木下半顯得離於鬼見方爲見木次三明緣起無生觀一遣所緣然依他二義一者幻有從分別生即是上半二者無性即是下半二泯能緣上半牒前生過有無生見同世非實下半見等無生名真見者三辨觀益後三明圓成無性觀一牒前二無謂能所分別皆不可得者卽圓成性淨故二正顯真性初句體有次句相無此二融卽故無能說三觀成利益及第二推功文金可知第六東南方善慧菩薩成就般若慧鑑不動可謂善矣此頌爲顯欲令其心轉復增進得不退轉無生法忍文中離垢解脫無體性故十頌分四初二見佛次三見法次三觀成利益後二推見有依今初前偈讚所見上半標讚下半釋成智離所知心脫煩惱

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

兼二利故一障難除衆生難度自強不息爲希有勇健後偈中能見謂我如實見如大菩薩見次三見法中約衆生說初偈正顯盡卽有爲諸行無常速起滅故有爲之性湛若虛空便是無爲體常徧故次二偈拂迹入玄上半拂前無爲謂旣如虛空何有無爲之相次四句拂前有爲謂旣約自性論無盡則不壞於盡故曰難思盡卽無盡故無衆生也後二句觀成利益見法身也次三觀成中初偈顯法空由下半了能所見緣成無性故上半能所之見自亡次二句顯我空能所之法尚空誰爲能見之者後二句顯實但除

上病不除真法二空之體及所顯圓成卽真佛也三一偈雙結知佛法益文顯可知四有二偈推見有依者謂佛說一道清淨故能遣有進慧演無量門復能遣無想滅理現方知如來乃住無有無之際也又智論云法性爲實證實爲際凡夫有實未能證也第七西南方智慧者決斷不動所以名智頌意爲顯於一切法皆能出離文中生死涅槃皆善離故十頌分二初一引已勵衆餘偈希衆同已於中亦二前六示迷後三啓悟前中亦二初一人執理實無人橫計成險餘皆法執於中初二執世法後三雙執世出世今初

170 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

撰述

初二句明執謂計蘊爲實不能觀身實相餘皆明過
初二句執實乖理不見佛次二句無慧不見佛後二
句但益流轉後三雙執中亦分爲二初二執法後一
執佛前中亦一一立理二起執初中上半假立謂待
前流轉生死以立涅槃煩惱名諍觸動善品損害自
他故名爲諍此有漏法諍隨增故名爲有諍有彼諍
故故生死者有漏爲體無彼煩惱故稱涅槃下半雙
非謂生死涅槃俱因煩惱假立其名何有真實又二
互相待故俱空二互相奪故皆寂後偈起執上半執
下半損後一執佛中亦上半執下半損執有三義一

佛佛相望二三身等相望三心佛相望後三啓悟中
亦二初二順理之得後一舉佛釋成前中亦一半偈
明順理而知餘顯順知之益蓋中亦一半偈標一偈
釋云何超言若取知能知寂未免於言有所緣故知
自知知亦非無緣故須能所平等等不失照故無知
之知不同木石故云能見後偈舉佛釋者上云佛然
佛云何然釋云覺於三世離分別故種習斯亡爲斷
根也又亦無心捨於分別名爲斷根第八西北方真
實慧菩薩心不顛倒是真實慧頌意爲顯欲令增進
於一切法皆得善巧文言於法不顛倒如實覺了是

170

1 2 3 4 5 6 7 8 9 100 1 2 3 4 5 6 7 8 9 100

2

2

3

4

8

善巧義十頌分二前二明依實立名名能益物後八顯名下之實辨益所由今初前頌明損益受苦聞名速解脫故受樂不聞反沉淪故後頌敘昔以成今說後八中分三初三覺妄證實是覺察義次一雙覺一諦是覺照義後四非覺而覺是妙覺義今初也初偈證實立名初句據似比量無常計常常計無常等是顛倒法名似比量次句證真現量如眼見故次句據似現量顯真現量謂男女天地等見一合相名似現量一合相不可得故名爲離非唯所覺離合亦無如外之智與如合也下句結名次偈例去來後偈

成現觀次一覺照者真諦名實無和合故俗諦非實假和合故互融無雜名究竟解夫實見者尚不見實何況非實見非實者知其卽實故中論云一切法真實一切法非實亦實亦非實非實非非實是名諸佛法後四非覺而覺者初偈正顯如智相離名不可覺寂無遺照故名了此要不可得方是真修次二偈展轉釋成初偈釋無一之義上半相待而有通同異體下半緣生故空則一多相盡矣後偈上半釋前偈下半無能所作故無所依從業想生故是和合下半釋成上半云何知無能所異業想外無我所故後有一

110 123 345 678 908 123 456 789 950 123 456 789

偈結成妙義上半所住下半能住由無住故無所不
住謂不住有以卽空故故能住有契有實故亦不
無無卽有故不住俱有無無二體故不住雙非不壞
二相故能住例知既以無住爲住則心絕動搖方契
本覺湛然常住第九下方無上慧名如初頌又從法
王敎生當紹佛位故名無上頌意爲顯欲令增進心
無障礙文云無著無念不住法故十頌分三初一釋
已名義次八顯佛勝德後一推功結益次八中分二
前六內證德後二外化德前中亦二前偈正明證入
後五照境顯理今初卽菩提涅槃以無所得得菩提

故處卽涅槃本覺自然故非造作悟亦冥符則智無
分別三細已盡六麤居然又不可以識識故無麤者
不可以智知故無細者又有能所證名之爲麤無能
所證目之爲細皆言語道斷故金無之菩提涅槃絕
心行故後五中初偈正明照境境卽俗境有能所故
卽俗而真故云無數心同無爲故云遠離是佛真法
雙結能所後四遣相顯理皆躡迹遭滯初偈雙非顯
中照理滅障菩提涅槃離有無故次二偈釋前雙非
一偈半釋非照義初句是總次句能照無著故云無
念亦不染此無念次句所照無著以無處所爲所住

110 123456789100 123456789150 123456789

故次句不壞能所次二句雙遣性相次二句釋非無照稱理照故後偈拂前無二之迹言無二者但言無有二非謂有無二若存無二之見則還成一以無二必對二故遣之又遣之以至於無遣故云三界一切空空謂第一義空諸佛同見後二外化德中前偈正顯令住無住之覺後偈釋成身卽非身故無可悟悟身見起此見如身身見兩亡真法身也觀身實相觀佛亦然故就佛結推功可知第十上方堅固慧者智力成就不可壞故頌意爲顯欲令增長一切種智文云得淨慧眼了佛境故十頌分四初偈總歎爲物興十住品第十五

世智光徧照大悲勇健次四別示悲相初偈觀機次二反以釋成後一正明兼顯僧寶次三頌半見聞利益後一頌半結德無盡此爲終極故總舉前十

十住品第十五

初來意者上由致既彰正宗宜顯故次來也又前辨所依佛德今辨能依十住故次來也二釋名者慧住於理得位不退故名爲住本業下卷云始入空界住空性位故名爲住然住義多種寄圓說十總言十住帶數釋也下諸品有十準此可知三宗趣者以十住行法爲宗攝位得果爲趣四釋文者四品分二前三

10 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

當位行德後一勝進趣後前會無勝進者但是趣位方便未成位故迴向是位無進趣者三賢位滿總爲趣地之方便故亦顯趣無分別離趣相故今初分三初品辨位次品辨行後品明德初亦名解文分七分一三昧分二加分三起分四本分五說分六證成分七重頌分今初何故入定略辨六意一此三昧是法體故二非證不說故三顯此法非思量境故四觀機審法故五爲受佛加故六成軌儀故餘如玄說文有三別一入定人法慧入者是衆首故餘入則亂不調伏故顯十住法慧能說故二入定依謂承佛力推功化主表無慢故三入定名爲揀果定故云菩薩任性能知觀解善巧故名方便十住各攝多門善巧故云無量心詣於法故云入也又一切三昧皆有三相謂入住出五識對境意從門出遠境護根意識却入此通權小今卽照之寂故名爲入卽寂之照故名爲出入已未起故名爲住餘三昧等金如前釋二以三昧下加分於中三初總辨因緣二明加所爲三別顯加相今初又三一標加所因二加緣顯現三讚說因緣今初謂以三昧力故論云所以偏加金剛藏者得此定故前由佛力能入今由定力佛現互爲增上力相

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

機述

云何謂無作三昧顯自覺智寂不失照冥同佛心故
感佛現三業加也二十方下加緣顯現來處佛數皆
云千者望行猶劣故多佛加者顯於法及法師增敬
心故又顯諸佛同說故加佛同名法慧者得法不異
故論云此菩薩聞同已名增踊躍故但諸佛於此住
門中現皆名法慧以法力故法應爾故普現其前者
不來而至故三告法慧下讚說因緣於中一一讚有
加因能入定故言汝能者希越之辭此定難得汝今
乃能入故舉定名者向來默入衆未知名故舉歎之
令衆仰故二善男子十方下雙說加定因緣於中先

別顯四因一伴佛神力諸佛自說者令衆敬仰故二
主佛宿願三主佛現威四法慧善根略無大衆機感
後入此三昧令汝說法二句結因所屬謂由上四事
前三爲緣第四是因因緣合故入此三昧故前四定
因令汝說法卽是加因故論云何故加爲說此法故
故十行十向之中皆云令汝入是三昧而演說法故
又此令汝說法亦是後文之總然十地論釋諸佛遮
那皆由先願故加則此四段俱是加因以彼經中諸
佛但云加汝威神遮那則云本願力故加古人便將
諸佛之加爲得定因下之三緣轉爲加因便令得定

10 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 195

撰述

方廣佛經卷第十一

三

軍七

無後三因則又字何用既結云令汝入是三昧何得
後三不爲定因非唯違經文理亦乃乖論所釋如實
義者此之四因通於二義一由此四爲得定因如上
所辨一由後三復是加因諸佛卽以願力而爲加因
論主爲顯斯旨故云彼佛先作是願今復自加問加
之與定何先後耶若先定後加則不應云汝能入此
三昧此是十方諸佛共加於汝乃至云及汝善根力
故入此三昧若先加後定則不應在三昧分後方說
加分又十地論云何故加爲說此法故不言爲入三
昧故又云唯加金剛藏不加餘者以是菩薩得此定
故旣俱文證如何會通古人答云加定同時謂若未
定而加則散心不能勝受若未加而定則自力不堪
入此深定是故同時此解亦違教理現言入三昧竟
諸佛方現身稱讚得定及說加所爲竟方與三業之
加而云同時豈不違文若言同時爲因不成斯則違
理亦不應引俱有因證以此二事容相離故若正釋
者加有二種若約內外善根威神願力冥資令其得
定則在定前若約與智讚述摩頂勸說三業顯加則
居定後二文昭著何其惑哉第二爲增長下辨加所
爲且對加因名加所爲然加所爲正在說法此十亦

170 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

撰述

卷之二

三

軍一

卽說法所爲展轉相成文分二別初十句別明後一
 結說前中文含二意望加所爲卽是別說望於說法
 卽說法之意謂加爲說法說法爲何爲增佛智等然
 說法所爲卽加所爲於十句中初總餘別總謂說十
 住法今信解諸菩薩修行增長性習二性生菩提智
 故又此因智卽同佛智亦得言增增智何用深入法
 界等故九句五對初二證真了俗對謂入無入相故
 云深入了相了性故云善了次二無障無礙對由入
 法界離煩惱礙由了衆生離所知障次二圓因趣果
 對謂巧安真俗無等故因圓入薩婆若故云果滿次
 二識法知根對後一句雖非文對而是義對謂內持
 諸法外說利他所謂下總結所說謂若說十住則前
 所謂皆得成就第三善男子下正辨加相分三先口
 加勸說以增辨二意加冥被以益智三身加摩頂以
 增威今初可知二是時下意加中先加後釋前中與
 十種智初總謂四無礙解智是說法所依故餘皆樂
 說無礙一無著者論名不著辯才於所說法無住著
 故卽七辯中捷辯須言卽言故無著也二無斷智卽
 無斷辯謂相續連環終無竭故三無癡者卽是迅辯
 明於事理心無癡闇言則迅疾如懸河故四無異者

卽應辯也應時應根無差異故五無失者卽無錯謬
辯凡說契理無差失故六無量者卽豐義味辯名數
事理皆無量故七無勝者卽一切世間最上妙辯此
有五德一甚深如雷二清徹遠聞三其聲哀雅如迦
陵頻伽四能令衆生入心敬愛五其有聞者歡喜無
厭具斯五義故云無勝上卽七辯八無懈者通策前
七無疲倦故九無奪者具前總別無能制伏令退屈
故後何以故下徵釋先徵意云諸佛有力能與有慈
能普何故十智唯與法慧下釋云法慧得此三昧法
爾如是得諸佛加三是時下身加一令增威二令起
故然三加同時隨義爲次承前說便故先語加爲令
起定身最居後準地論經有諸佛不離本處則去住
無礙手又不延則延促無礙同時觸頂一多無礙故
是奇特要摩頂者楞伽云若有不爲如來二種神力
之所建立而能說法無有是處一者身而言說神力
卽前語加二者灌頂神力卽智灌心頂手摩身頂頂
受摩者上稟尊力故右手者法慧所說順理機故諸
佛隨順法慧說故第三法慧菩薩下起分略由四意
二三昧事訖故一已得勝力故三說時至故四定無
言說故此四後後以釋前前

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

大方廣佛華嚴經疏卷第十七

音釋

頗胝迦

頗滂禾切底吉而切梵

溼失入

髻吉詣

燦

倉晏切

錯謬

錯七各切謬靡幼

謂前語此二音翻貢輸氏唱皆翻心貢手執良貢
文預立而猶藉去無百長與一音良而言翻輸氏
是音翻天車頭音默喻云苦旨不熟收來二蘇帳氏
拂拂手又不滅限滅此無趣同却翻貢一終無事
珠寶良量氣於學此能無亦能制不羈本處頭去
妙然三祇同却翻義為人承前指更妙姑錯賦此今
大方廣佛華嚴經疏卷第十八

唐清涼山大華嚴寺沙門 澄觀撰

第四告諸下本分文分爲三初總顯體相次標以許
說後別陳其名今初然十住體略有三種一約所依
卽前三昧依此說於十住法故論云三昧卽法體故
二者約本卽下所辨三尅性體若約所緣卽真俗二
境若約能緣卽悲智二行二境旣融悲智不別境智
冥契同一法界也今約本體若直觀經文則住處二字
總示其體廣大已下略顯其相伴三世佛家結示
住處今依地論類例以解則住處爲總餘皆是別總

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

卽示體此云住處十行名行業十向名願十地名願
善決定皆當位體也而得名不同者何耶然三賢十
聖皆以菩提心而爲其體菩提心有三一者直心正
念真如法故二者深心樂修一切諸善行故三者大
悲心救護一切苦衆生故所念真如亦卽本智本覺
智故後二顯是恒沙性德然此三心有一必兼餘二
而三賢互有增微十住直心增故名爲解解爲行
願本故首而明之十行深心增故名爲行依於前解
以起行故十向大悲增故名爲願迴前解行願諸衆
生離苦得樂故十地三心等證故名決定而大悲爲

首故舉其願是以論云願善決定者如初地中發菩
提心卽此本分中願十信通信此三等覺此三等佛
故知菩提心是諸位通依今此住位名住處者若從
增勝則以深般若住於真如卽復由此而爲行願之
所住處若從通說俱住上三菩提心家故住處梵本
名爲俱羅此云家也家卽家族是以舊譯名爲種性
卽四種性中習種性也良以此家菩薩所居故翻名
住處下文還就佛家以結別中句乃有二義乃有三
一廣大與法界等是勝住處然地經總句是於決定
不應學彼此中廣大卽是勝義其法界言含於四義

170 1 2 3 4 5 6 7 8 9 100 1 2 3 4 5 6 7 8 9 150 1 2 3 4 5 6 7 8 9 190 1 2 3 4 5 6 7 8 9 230 1 2 3 4 5 6 7 8 9 270 1 2 3 4 5 6 7 8 9 310 1 2 3 4 5 6 7 8 9 350 1 2 3 4 5 6 7 8 9 390 1 2 3 4 5 6 7 8 9 430 1 2 3 4 5 6 7 8 9 470 1 2 3 4 5 6 7 8 9 510 1 2 3 4 5 6 7 8 9 550 1 2 3 4 5 6 7 8 9 590 1 2 3 4 5 6 7 8 9 630 1 2 3 4 5 6 7 8 9 670 1 2 3 4 5 6 7 8 9 710 1 2 3 4 5 6 7 8 9 750 1 2 3 4 5 6 7 8 9 790 1 2 3 4 5 6 7 8 9 830 1 2 3 4 5 6 7 8 9 870 1 2 3 4 5 6 7 8 9 910 1 2 3 4 5 6 7 8 9 950 1 2 3 4 5 6 7 8 9 990

一正念真如同理法界深無際限勝諸凡夫亦勝二乘偏真理故二普該菩薩無邊行相大悲深心同事法界無有邊量勝二乘故三者三心無礙同無礙法界事理融故四同圓融法界一一塵中無不具故此與第三勝權菩薩二虛空等者是因住處因有二種一無常愛果因是因如虛空依是生色色不盡故二常果因今是地前故闕此也古德又云一一位中如空包含無邊行海又如空周徧非至非不至又如空無礙故三住三世諸佛家準論此名不怯弱住處謂菩薩所住卽佛所住故名佛家進住佛家是不怯弱若直釋經文卽結示也謂向言住處何所住耶謂住佛家佛家卽是大菩提心諸佛住此生菩薩故真如悲願究竟唯佛方能住故言三世者是讚勝也二彼菩薩下牒以許說可知三諸佛子菩薩住有十種下別陳其名文有三別初標數引證二依數列名三總結顯勝今初謂三世佛果無不由此十住因成如大王路法爾常規故同說也二何者下依數列名初發心住者瓔珞云是上進分善根人若一劫二劫一恒二恒佛所行十信心信三寶常住八萬四千般若波羅密修一切行一切法門乃至始入空界住空性位

170 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

撰述

大藏書庫新印卷之八

三

軍八

故名爲住依仁王起信卽十千劫來修信行滿入位不退創起大心發心卽住名發心住三種發心中卽信成就發心也二治地者謂常隨空心淨八萬四千法門清淨潔白故爲練治心地使悲智增明名治地住三巧觀空有增修正行故四生佛法家種姓尊貴故五帶真隨俗習無量善巧化無住故六成就般若故聞讚毀真正其心念不動故七入於無生畢竟空性心常行空無相願止觀雙運緣不能壞故八心不生倒不起邪魔破菩提心故九從法王敎生解當紹佛位故十從上九住觀空得無生心最爲上故諸

佛法水灌心頂故然住十住得名有三謂四八九十從喻爲名第七離過受稱餘約功德從其所喻皆持業釋若從能喻或依士釋二是名下總結可知若定位者略有十義一依唯識等五位之中卽當初位言五位者一資糧位卽是三賢從初發心積習福智爲道資糧爲衆生故修解脫分善二加行位順解脫分既圓滿已爲入見道復修加行亦名順決擇分三通達位卽是見道謂初入地二種見道四修習位始從初地第二住心乃至金剛無間心位名爲修道五究竟位金剛心後解脫道中盡未來際皆此位攝二依

10123456789180123456789190123456789

撰述

攝論第六說有四位卽當初位之初言四位者一勝解行位始從十信終於地前餘三見修究竟同五中後三三依瑜伽四十七說十二住當其第二之初言十二者一種性住謂彼菩薩性自仁賢性自成就菩薩功德任持一切佛法種子性離麤垢不能現起上煩惱纏二勝解行住謂從初發心乃至未得清淨意樂所有一切菩薩行是三極喜住四增上戒五增上心六七八三名增上慧分成三種謂六覺分相應增上慧住七諸諦相應增上慧住八緣起流轉止息相應增上慧住九無相有功用住十無相無功用住十

一無礙解住十二最上菩薩住十三最上如來住前言十二住就菩薩說加後如來爲十三住第二卽是三賢第三已去如次十地四亦依瑜伽及顯揚第七於十三住建立七地一種性地二勝解行地三淨勝意樂地卽前三住四行正行地謂從第四乃至第九住五決定地卽第十住六決定行地卽第十一住七以後二住爲到究竟地前六唯菩薩第七菩薩如來雜立爲地五依仁王下卷說十三法師各住一位卽當第一言十三者一習種性二性種性三道種性四善覺摩訶衍五德慧六明慧七爾焰八勝達九常現

101

180

123

123

123

123

123

123

123

123

123

撰述

卷之十一

五

軍八

真實十玄達十一等覺卽八地十二慧光神變卽當九地十三觀佛菩薩義當十地及等覺而佛非十三之數六依仁王上卷五忍之中此當伏忍之下言五忍者謂伏忍信忍順忍無生忍寂滅忍各有上中下如次配三賢十地等覺妙覺七亦依仁王五十二位當其第二八依瓔珞四十二賢聖位當於下賢十住以不立十信十信攝在十住中故九依瓔珞六種性亦當第一言六性者一習種性二性種性三道種性四聖種性五等覺性六妙覺性若依楞伽等無復地位十依此經說四十二位無別資糧加行等名然所說位依法性立行布圓融二俱無礙如玄文辯十信開合已見賢首品第五佛子云何爲下說分卽是行相釋此十住卽爲十段一一段中皆先徵後釋釋中皆先明自分後明勝進又前是住位後是起行今初發心住先徵可知釋自分中二先明發心之緣後正明緣境發心今初文列十緣義含四因謂信悲智及種性也見佛世尊是初總相發菩提下結前生後中間十句別顯不同一形貌容儀二顯色大相三具隨好故人所樂見上三觀外相也四時乃一出出便利益故爲難遇此通內外五十力無畏降魔制外此明

10 1 2 3 4 5 6 7 8 9 10 11 12 13 14 15 16 17 18 19 20

內德六神變難思卽神足輪此唯外用於上六中隨見一事發生淨信欣心上求此若可修我定當取七聞授記舍於二義一聞授記作佛希預其數二聞記當事希得此知皆記心輪入聽教誠知惡可斷善可進修卽教誠輪上皆信智爲因九見受苦起悲心未必聞教以種性內具法爾慈恕卽悲因也十聞廣大法謂佛功德義兼法滅或傳或護因通悲智種性之因義通前十此之十緣與賢首品所引瑜伽四緣但開合之異耳謂前六見佛緣次二聞法緣次一見生受苦緣後卽見法滅也後結前生後者唯證菩提方成前事結前也求一切智生後緣難得法而發心也第二此菩薩下正明緣境發心前言求一切智十種智力卽一切智文有標徵列名結數而義見初品大同初地爲得十力故等又此十力於一實智而開爲十化生事足義含悲智故略舉之非不緣佛餘之功德第二勝進文分爲三初總標次徵列後徵釋今初謂欲求勝位應自勸勵亦勸他學列中有十不出悲智供佛爲總通財及法下九爲別行下九事真供養故一樂住生死大悲爲首故智了其空無所懼故二住爲主道除惡三卽能導理教之法四示果令欣卽

170 1 2 3 4 5 6 7 8 9 10 11 12 3 4 5 6 7 8 9 10 11

撰述

教之所至五學佛德行以爲能至六成德依緣故生
佛前七寂前上求下化之紛動八寂必遠離生死輪
迴九不失悲故常爲物依亦是總結前義諸所施爲
皆爲衆生大悲增上故問八遠離生死初令樂住此
云何通略有三意一勸物遠離自處無狀二要自無
縛方能攝物三卽智之悲故樂住生死卽悲之智遠
離輪迴故瑜伽云菩薩狀離生死過於一乘百千萬
倍非不狀也斯則不斷生死而入涅槃不動真際常
隨流轉成不住道又初旣樂住生死六復云何生諸
佛前亦有正義一爲誘物故二求攝物之方故三悲

智無礙故又十藏約實智契捨聞諸佛土不願往生
此約權不壞事故生諸佛土三何以下徵釋何須學
此令得通別二種益故別謂增勝廣大此之別益皆
希後位準下頌文亦令不退轉故有所聞下諸位通
益以解從內法故不由他他有三種一他人二者心
外三者性外自解亦三一者熏習成性故能自解二
了唯心三了唯性故下云知一切法卽心自性若爾
云何復言有所聞耶謂汎爾聞故或自披尋聞乃約
法開悟約義必不假人委曲指授故不由他究竟則
是佛無師智下諸位中並同此釋有云從自種生云

170 1 2 3 4 5 6 7 8 9 100 1 2 3 4 5 6 7 8 9 150 1 2 3 4 5 6 7 8 9 170

撰述

方廣律華嚴經疏卷十一

軍

不由他但是初意何足可尚又引下文雖知諸法悟不由師然求善知識無有厭足亦非此意彼據雙行約自悟故第二治地住中亦二先徵可知二釋中自分內文有四別一標二徵三列四結下諸自分皆倣此知列中十心有其二義一於一一衆生各起十心二爲辨差別對八種衆生一於怨衆生非直不念加報亦乃授與利益二於貧苦衆生欲令遠離故起悲心三於危懼無樂衆生令得樂具不盡四於惡行衆生令安住善行五於得樂衆生以矜愍心不令放逸六於外道未發心者攝令正信發心七已發心同行者守令不退入於一切攝菩提願衆生取如己身於此開二謂於乘大道集進趣者推之如師集具足功德者敬之如佛此十大同第二地集義中釋以斯十心治自心地二勝進亦三列中十法有通有別通相可知別依展轉一總求多聞爲二利行依二聞已閑靜思修三聞必依友四於友求請言必和悅五問不非時六不怖深法而不能受不怯行法而不能行七以思慧力解達深義非但多聞於義不了八如說修行涅槃經說親近善知識聽聞正法繫念思惟如說修行是大涅槃近因緣故今展爲十九成行伏感

10 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

故離愚迷十觀智照理決定究竟故安住不動三徵
釋所以修者上十多約智以智導悲令轉增也通益
可知第三修行住釋中先明自分是護煩惱行後明
勝進是護小乘行前中然此十無常大同三地彼論
具釋引中邊釋已見問明既文義包含略舉一兩論
云命行不住總名無常此總句也然復有二一者念
忘無常二者一期無常於何無常依五盛陰逼迫相
故苦也瑜伽三十四云由無常行作意爲先趣入苦
行由苦無所得行趣入空行空故不自在由不自在
趣入無我此四卽苦下四行相也五無作者但緣有
故由念念無常故無造作由皆苦故無有樂味但於
下苦中橫生樂想卽一切世間不可樂想以彼空故
萬法無體物無當名之實以無我故無有處所非在
色中乃至識中無分別者觀能取也無堅實者觀所
取也問涅槃比丘作無常想佛呵倒惑云何入住作
無常觀答彼但得名不得其義以無常等該涅槃故
故佛呵之今但說生死故無有失又無常者未會法
身故苦者未得涅槃故空者無善有故無我者未得
入自在故則前四句自說生死次無作等四自說涅
槃常故無作樂故無味我故不如名淨故無處所然

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大藏傳書序

卷八

二理不偏照與之符猶懸鏡高堂萬像斯鑑又初四
句則因緣生滅是無常義等次四則不生不滅是無
常義故云無作五受陰洞達空無所起是苦義因起
有苦起卽無起故無味也諸法畢竟無所有是空義
人法二空空亦空故不如名於我無我而不二是
無我義諸佛或說我或說於無我諸法實相中無我
無非我故無處所故菴提遮經說不生不滅是無常
義生滅却是常義等瑜伽四十六云云何菩薩觀一
切行皆是無常謂觀一切行言說自性於一切時常
無所有如是諸行常不可得若得斯意則入中道若

依中邊論約三性說則初後二性不生不滅是無常
義依他起性則生滅是無常義等又無作者非常非
無常故無味者非苦非樂故不如名者非空非不空
言不及故無處所者非我非無我不在生死及涅槃
故無分別者念想無故無堅實者實與不實相待有
故後勝進中是護小乘行小乘不求種智不欲廣知
故十中初三事是作佛事處衆生是所度法界是能度
世界是度處次四界是起見處外道計大爲諸法本
小乘計大爲諸色因又成身之體後三界是繫縛處
云何觀耶一觀其相委細而知二觀其性甚深平等

170 1 2 3 4 5 6 7 8 9 100 1 2 3 4 5 6 7 8 9 150 1 2 3 4 5 6 7 8 9 180 1 2 3 4 5 6 7 8 9 210

撰述

三微意云但總觀無常何用廣知釋意云觀空不礙
 廣有知見性相兼了法智增明故第四生貴住自分
 中有五謂釋名標徵列結也從聖教生者謂多聞熏
 習等流無漏教法生其智故又下偈云佛子於法如
 是觀從佛親生名佛子此約能說人也又偈云了達
 諸有無所有超過彼法生法界此約理也上三義皆
 能生後一義兼顯所生之處又能說所說能詮所詮
 成此三異從此三生並可尊貴列中十事同四地十
 種法智但有開合耳既從聖教生成就四智教化衆
 生一自住處智不退轉故亦所生也二同敬智於佛
 淨信故亦能生也三真如智善觀察法故亦所生處
 也法卽法界四分別所說智卽餘七句謂了衆生空
 有佛土權實世界染淨行業善惡果報苦樂二種生
 死四種涅槃具如常釋後十勝進初三解了通於教
 理行果次三修集行法次三誓當滿果後一別了理
 法後徵釋意欲進後位真俗平等故徧觀三世不殊
 方知平等故第五具足方便住者自分十心亦是方
 便也勝進十心亦具足也今自分中卽第二住發起
 此心今以所修善根正向所爲例前解釋文並可見
 今別爲一勢謂初是總句救苦護善故云何護善一

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

授與樂因如經饒益故二令得樂果謂安樂故三哀愍妄樂不令著故四云何救苦度一切苦得解脫故何者是苦苦有二種一三災八難二二種生死云何能離一教生淨信二由淨信故授以三學令諸根煩惱皆得調伏云何得樂謂咸證涅槃究竟滅苦是真常樂初句九字流至於此後勝進中前六義含深廣後四唯顯甚深云何廣耶一無涯畔二無分限三離筭數四言思莫儔五色類非一六非稱量盡所言深者無邊謂非有非無非斷非常故無量者常一刹那無長短故無數者非一非異不墮數故不思議者卽妄卽真言語道斷心行處滅故無量色者頓現身器故不可量者出二量故後四中七爲總句人法空故此云何空八約能成非是自他共所作故九約所成內外推尋無所有故十無自性釋成上義無性故空無性故誰能作無性故無所有非斷無也又七八九是三脫門三徵釋意云雙明深廣性相交徹則轉復增勝形奪兩亡皆無染著成般若故第六正心住初初四約所敬三寶由了法平等聲如谷響故於讚毀不生欣感又在執應毀就理應讚故商主天子經

10123456789180123456789190123456789

撰述

方廣傳經疏卷之二

三

軍

云無有不毀語言而能至其解脫中故次三約所愍衆生有量無量是斷常邊菩薩不墮有垢無垢是增減邊菩薩遠離易度難度是苦樂邊菩薩不住又有垢者難無垢者易又亦反此以不發心不知垢故名之爲無後三約所知法界有量無量亦是斷常餘二增減已得正心故皆不動又約衆生大悲大願無限量故了法界性超量非量故知法界相緣成世界說有成壞非成壞故體有相無體無相有皆自在故況並音聲性離何足動哉後十勝進中然勸學者通聞思修偈云聽聞乃一義爾列中一自性之相不可得

故二緣起想成故三圓成性淨故四能成非有五所成無實六自性本空七空性亦離八喻上緣現九喻上想生十總離取捨出沒想故此與六地取染淨法分別慢對治文多相似三徵釋云此如順忍欲進後位不退忍故第七不退住自分十中初三三寶次二別顯前法次三別明初佛後二約佛境智通佛法也而十皆言不退轉者大同前位然此位中已入無生此事理雙現而心不退後位從理向事唯隨事行轉純熟故是故前位於三寶等但聞讚毀忍之尚易今

170 1 2 3 4 5 6 7 8 9 100 1 2 3 4 5 6 7 8 9 150 1 2 3 4 5 6 7 8 9 170

換述

力廣傳華嚴經卷二

古

軍八

聞有無利害轉深成忍則難故過前位又前言不動
但能正心今云不退有進趣義又權實方便皆悉通
達有無等言皆有在故佛則色相虛無應機爲有法
則離相離性不壞相性菩薩同佛次二中約事行爲
有入理行爲無出離有二一約自行義同前文有垢
無垢亦約事理二就化他悲故不出由智故出次下
三句亦論有無何異初句初句邪見爲無正信言有
此三亦非正見雖許有佛不徧三世或言過去入滅
是故非有未來未成安得爲有現在生界未盡佛願
未滿今有佛者皆應現耳俱有可知今知其謬說爲
無正說爲有後二句中初智後境佛智有盡等者一
豎約智體以盡智故名爲有盡窮未來故名爲無盡
又若入永滅則名爲盡不永滅度是卽無盡約從修
生則名爲盡卽同無爲故名無盡二橫就所知謂法
無盡故智亦無盡以無盡智稱無盡法則名爲盡故
法華云唯佛與佛乃能究盡諸法實相智度論云如
函大蓋亦大還將無盡之智知無盡法是故如來名
一切智今菩薩窮究知依豎義半了半不了知依橫
義二俱是了又相待說有盡無盡就理而言並非二
相後一就境約性一相約相非一知其隨說皆非徧

10 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

知後勝進中十事五對此大_法樂無作行對治
發起十種殊勝行由此知其事理無礙至地則得權
實雙行初一多對總含三義一約權實於一佛乘說
無量故雖有衆多皆佛因故二約事理理能成事說
一卽多事能顯理說多卽一三約事事無礙有同體
異體義如上說二文義對文隨於義轉變密意故卽
如初句一言隨於多義義隨於文顯了直說故卽下
三對但顯事理一無礙義若望下偈云如是一切展
轉成則文義亦通事事無礙三徧計理無情有無二
四依他幻相性空無二五圓成性空與不空二如不
異又上三中皆以三性三無性相卽準思三微釋中
善能出離者不沉沒於事理成後位自在也第八童
真住自分中初三業無失永離習氣唯佛得之任
運無功在於八地此中多同八地能行無漏故得無
失無十不善失亦無錯謬失此三自行亦爲化體餘
皆利他初一能化身頓悟菩薩隨願受生貴在利人
不揀淨穢慚悟地前許受變易意生身故次四以能
化智知所化境卽十力智之四智也次一化處後一
化法正化後明勝進是不動行初六於刹自在後四
三業自此同入地若色若土皆自在故初一總知

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

分齊次二作用持兼願力四十眼智觀五有佛便詣六游以化生後四中一意一身三語四通三業下徵釋意爲得善巧入於後位辯才自在故第九王子住初自分十中一知六趣四生受報差別又知九種命終心受生差別故二知現行煩惱三知種等相續非如現行有間斷故習氣有四如九地說四知諸行作業所入法門皆善巧故上四多同九地十種稠林彼據入地尤多細密故名稠林此但云知五知法藥是智成就義六知法師軌儀七知所化處八知化時隨根生熟不差失故後二依二諦說皆說成就也後勝進十法皆言法王者旣言王子倣佛之儀合子法度而言處者卽是位也如世王子之於父王今對辯之一善巧者言辭安立及諸伎藝悅可王心今此菩薩學佛法王說法言辭安立權實善巧方便以悅佛心二軌度軌謂坐立動中規矩容止可觀度謂升降出入往來進退可度此明無虧戒行住佛威儀也三宮殿者父王在宮卽行子禮父王處殿卽行臣禮若處涅槃正殿卽令萬行歸宗若處慈悲宮室則子愛舍識因趣入者趣者就也謂澤及萬人入者收也謂庭來萬國菩薩則無機不就無德不收五觀察者入則

支那
大藏書卷十八
七
軍八

東京大学総合図書館所蔵

10 1 2 3 4 5 6 7 8 9 100 1 2 3 4 5 6 7 8 9 150 1 2 3 4 5 6 7 8 9 180 1 2 3 4 5 6 7 8 9 210

撰述

大藏經卷之八

北

軍

觀父王察其聲色出則觀羣臣知其賢愚菩薩入則觀佛教理出則審機可否六灌頂者十地有文出現法喻雙辨七力持者聚人則以財爲力慎危則以戒爲力降怨則以忍爲力廣業則以勤爲力定亂則以靜爲力謀安則以智爲力固衆則以仁爲力制敵則以衆爲力菩薩六度四等萬行總持皆力義也持財以儉持衆以信持安以不慒持力以不奢餘可類取皆能持也八無畏者爲上無亢則無憂悔之畏節儉財色則無病畏居上不慒則無亡畏爲下不亂則無刑畏在醜不爭則無兵畏三不備者永無死畏菩薩

修行離老病死五種怖畏得十無畏九宴寢者晝無故不內宴夜無故不外寢宴於側室寢於正處菩薩入定同佛不過明以耽其味不昏沉以滯於境無幽不得其味正定不易其心十讚歎者樂則歌讚苦則哀歎讚音宜和樂歎音宜哀思其情切其辭文菩薩應仰讚佛德哀歎衆生情諸於理使令欣厭二徵釋云欲令增進得於後位無礙智故第十灌頂住文亦分二先徵後釋釋中亦二先自分後勝進前中二初有十句所成德用後有十句讚勝難測以位終故加此一段前中前五了世界無礙智後五成就衆生無

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

礙智以智度滿故多同大盡分智成就說後十讚勝及後勝進皆是神通有上無上分中義今讚勝中前四卽業自在不可知一身二身用三十通四通用後六心智自在不可知初三卽三達圓明智四知器世間自在智五定心所現之境六大智所知之境並深廣故下位不知後勝進中三初標卽學佛一切智一切種智以當位滿灌頂成佛以攝諸位皆此中具故如法界品海幢處說玄中廣明二徵列中一學佛二達智此是總句二佛法智者覺法自性善出現儀二事理無礙四事法橫廣五大用周徧六身智光照明神力持令不壞法力持令進善八窮盡所化九知化法十了化主三徵釋成十勝智復更學者爲欲成佛種智位故然上所釋大依十地第六顯實證成分中二先現瑞顯實後菩薩證成前中先此界有動地兩供一萬佛刹猶劣行故後如此下結通二又以下菩薩證成於中二初能證現前二作如是下發言讚述於中四一讚其所說二我等下舉同顯證此有四同同中二但彼同者法慧表解不可不同法若不同豈名爲證中二異此者表人異道同處殊法一方表通

支那
卷十八
東方廣品經卷十八
九
車八

東京大学総合図書館所蔵

方之說成證義也若亦同此將謂餘異名界佛不同說也若爾何故同名法雲妙法不多舉耶爲有表故謂所說法該於十地故非麤淺故就所說中衆會約人眷屬兼法文句義理主伴皆同也三佛子下舉因結成四如於此下結通廣徧謂非唯來此爲汝作證於餘處證亦同證此彌顯所說是通方也此是彼菩薩結通不俟經家結通也問此經何要十方同說答引攝之教隨機不一諸方有殊圓實之教法爾常規故十方同說十方如來同一道故三賢十聖無異路故問說此經處何要徧於十方答能詮如所詮故所

詮義理無不同故表位優劣證有多少據其所說無處不該有云此上瑞應證成應在偈後有四因故一未說偈經猶未了不應先瑞先證二瑞證本爲證經既不證偈則偈應非經三證辭不應云文句無有增減四若許瑞徵合在頌前頌中應頌二分假使梵本如此譯者卽合廻文此乃靜法佳判今爲一救理或可通爲欲表說證同時故然文不累書編之作次若全居末則似說竟方證若更居初未說復何所證故置於散說偈文之際深有以焉諸會文同皆倣此釋第七重頌分中總有一百頌分二初九十一頌正頌

1012345678908012345678950123456789

撰述

大方廣佛華嚴經卷第十八

三

軍八

前法後如是十住下九頌結歎勸修前中十住卽爲十段初住中有四十六頌文分爲四初三頌發心緣次三十二頌緣境發心次十頌勝進所學後一總結今初尊重卽前衆生樂見第三偈卽廣大法二中分二初十頌緣十力發心一頌一力初中謂以因感果斯爲是處從我心冥性等生無有是處餘文可見二二十二頌別顯所求長行結前生後云求一切智今偈略顯一切智相此二十二頌一頌一智或有闕智了等言者蓋文略耳今以類例相從攝爲十智初一俗諦智次一真諦智三一偈神通智四五頌解脫智五過去下一頌劫刹智六一頌三乘智七有七頌三密智謂二頌身密二頌語密二頌意密八一頌唯心智九過去下三頌一多無礙智十有一頌權實雙行智三菩薩如是下十頌頌勝進十法一頌一法皆言令其不退轉者顯勸學之意也不退有三一位不退七住已上二證不退初地已上三念不退八地已去今此近希位不退故若約圓教當位從信入住得位不退初發心時成正覺故四一頌總結亦是引證第二住五頌初二頌自分次二頌勝進後一頌結說第三住五頌前二頌自分後三頌勝進第四住六頌

10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

大方廣佛華嚴經疏卷第十九

三

初三自分次二勝進後一結歎第五住五頌初二頌
 自分次一頌勝進後一結歎第六住四頌初二自分
 於中後半頌是顯不動之意二一頌勝進第七住四
 頌初二自分後二勝進第八住五頌初三自分後二
 勝進第九住五頌初二自分後三勝進第十住六頌
 初四自分於中三頌頌所成德用一頌頌讚勝難測
 後二頌勝進第二大限結歎發勸修九頌分三初一頌
 總歎十住次六別歎發心住後二結歎初心況出修
 行十住位竟

大方廣佛華嚴經疏卷第十八

大方廣佛華嚴經疏卷第十九

唐清涼山大華嚴寺沙門澄觀撰

梵行品第十六

從某子北經卷之
摩宮中偈譜品

丹陽居士賀懋熙懋照懋瑩懋燾懋燉懋煒仰承

故先嚴賀學禮遺願施費刻此

大方廣佛華嚴經疏卷第十八

諸計字八千四百四

道俗四十箇

該銀四兩二錢二分

淨住沙彌契機對

差別今頤會緣

入崇禎三年夏月徑山化城寺識

種梵行持故則入

初住也六別顯初住成佛則類前諸位位成佛不

由他悟之相也其上諸意有此品來二釋名者梵是

170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199

大方廣佛華嚴經疏卷第十九
自今次一頓勝進後一結數第十六住四頓初三百分
爲中後半頓是顯不動之意二頓勝進第七住四
頓初三半真日登山止地幸端
釋迦牟尼佛滅度後
塔頭寺四十箇三端塔四兩二錢二分
大法輪藏華嚴經卷第十八信字八千四
北藏經學斷盡頭頭貴校此
丹霞慧士贊樹頭樹頭樹頭樹頭樹頭
總數十住次六別數發心住後二結數初心況由修
行女住位竟

大方廣佛華嚴經疏卷第十八

大方廣佛華嚴經疏卷第十九

唐清涼山大華嚴寺沙門 澄觀撰

梵行品第十六

從第十七經盡夜
摩宮中偈讚品

四門之中初來意有六一前是正位今辨位中之行
故次來也二前明諸位別行今辨諸位通行三前通
道俗今別顯出家所行四前明隨相差别今顯會緣
入實五爲顯入住之因謂自他二種梵行淨故則入
初住也六別顯初住成佛則類前諸位位成佛不由
他悟之相也具上諸意有此品來二釋名者梵是
西域之音具云勃嚧摩此翻爲淨揀上淨行立梵行

名離染中極故名爲梵卽梵爲行故名梵行持業釋
也亦有云真境爲梵智契爲行或涅槃爲梵修因爲
行此二依主釋梵行以何爲體體略有三一者卽戒
戒能防非故得稱梵二者四等三者是慧涅槃五行
中梵行卽四無量亦七善知今此品中具舍三義然
此三各二戒有二者一隨相二離相今文卽相無相
依如來敎染衣出家乞食正命是隨相也於修無所
著則戒相如虛空卽離相也四等二者一有緣二無
緣生緣法緣皆名爲有今卽緣無緣觀察衆生而不
捨離是有緣也了知境界如幻如夢卽無緣也慧有
二者一有分別二無分別今卽分別是無分別謂於
十法一一推徵是分別也觀無相法了知平等離念
契玄卽無分別也上三中二義各初義通凡小後義
唯大乘此二不二爲實敎梵行若一行具一切佛法
方是華嚴之梵行也梵卽是淨但以性淨故卽行淨
行淨故則智慧淨智慧淨故則心淨心淨故一切功
德淨乃至成佛功歸於行故云淨行然前信中之淨
隨事造修悲智兼導至此純熟了心自性悲智無二
故小有不同三宗趣者卽以悲智無二事理雙修觀
行爲宗疾滿一切佛法爲趣第四釋文文分爲二先

110 123456789180 123456789190 123456789

問後答今初亦二先敘問答之人正念天子問者天者淨也表所問事理染相絕故梵依天行而得成故念與無念二而不二爲正念也法慧答者表巧慧窮法後佛子下正顯問端於中先舉所問境次云何下述所問相問相有二一問行淨所因謂隨相持戒之梵行云何得離相之清淨故不應言淨劣梵也二從菩薩下問因所得果第二法慧下答答前二問卽爲二別先答行淨所因後若諸菩薩下答因所成果斯卽觀成利益也今初分二先明自行清淨卽離相之戒成後復應修習下明利他之行淨卽無緣之四等二種智慧通在兩文爲能淨故前中分四一總示所應二所謂下列名略釋三若身是下廣陳修相四如是觀已下顯觀成相今初作意者不墮無記故觀察者以慧推求故二中初列十法卽列上所緣之境後應如是觀下釋上作意觀察所以唯令觀十法者一爲成圓數二梵行緣體不離此十謂身口意三是行所依處三業行因三寶行緣戒謂行體問以善三業歸於三寶得受隨戒何要觀耶答若不觀察取相堅持同權小故見戒從緣起心持戒爲迷倒故云何觀耶廣在下文今略釋之意五十中隨一若是餘九卽

10 1 2 3 4 5 6 7 8 9 100 1 2 3 4 5 6 7 8 9 150 1 2 3 4 5 6 7 8 9 180 1 2 3 4 5 6 7 8 9 210

非明假衆緣以顯無性況十中各十一一推徵相盡理現名真梵行第三廣陳修相卽尋伺觀也十法卽爲十段前六通染是故但約染淨相違名非梵行亦不析破彼法自體後四唯淨順於梵行故分析體空何有梵行十中各先總牒觀境後以十事徵顯其非今初身具中一非善者身通不善體非順理梵行善性體能順理二法旣殊明身非梵行梵行何在他也倣此當知梵行之言貫通諸句二體是無記非可軌法三飲食資成四自相臭惡五自性不淨六種子住處等皆悉可狀七四蛇違反八業惑所依故九是身無知又要當死究竟不淨故十八萬戶蟲戶有九億全以蟲聚成其身故今此梵行體是可軌性能澄淨芬馨清潔賢聖所欣順法順教體無雜染與智相應衆善集成彼豈當是於十事求梵行叵得當知梵行離相離性下九準之二身業者身之作用名爲身業語意亦然十中四儀無記餘六通善惡故非梵行三語具十事初一語體次五語緣謂風觸七處而出於聲此略無齋輪牙齒後吐納等四是辨語相十事望業皆是語體此唯無記故非梵行四語業十事通善惡故亦非梵行安立說者謂假施設隨俗說者隨世

10 1 2 3 4 5 6 7 8 9 100 1 2 3 4 5 6 7 8 9 150 1 2 3 4 5 6 7 8 9 180 1 2 3 4 5 6 7 8 9 210

名言餘可思準第五觀意十事覺是尋求觀是伺察
 覺麤觀細是不定法言分別者以慧揀擇三分別中
 是自性分別七分別中任運分別種種分別者二中
 隨念計度故七中餘六謂有相無相尋求伺察染污
 不染污故憶念者追憶曾習唯緣過去思惟者以慧
 箚度通去來今並有一多各成二種上六皆別境攝
 種種憶念義兼惡作幻術通思通念眠是不定意識
 亦行但取境昧略輕眠有夢亦通善惡覺之勢故此
 十是心所不離心故同名意也徵破準前第六觀意
 業十事皆意之用故名爲業約徧行五徵之一思二
 想次四是觸後四是受作意一種總徧十悞故前云
 作意觀察卽上四段亦各一蘊此中思等與意何別
 但思等心所有二義故一扶持心王屬前所攝二依
 心起用屬此位收故多從受境以辨若欲破者旣約
 徧行通於三性故非梵行餘準前知第七觀佛十事
 觀於三身若依小乘初五法身以無漏戒等及眷屬
 無漏五蘊爲法身故次二報身以三祇百劫所修感
 相好故次一化身神通化現故業行通爲三身之因
 果報通語三身之果若依大乘前八皆是化身後一
 報身業行通語二身之因涅槃是果離繫果故菩提

是報報本願故今一一推徵若一是佛餘者應非一
一皆佛則有多佛和合成佛則無自性故中論云非
陰不離陰此彼不相在如來不有陰何處有如來陰
合爲如來則無有自性進退推求佛體寂滅尚非是
有豈當是無邪見深厚者則說無如來諸法性空中
思惟亦不可是知真佛既超心境依斯成行行豈相
耶第八觀法但有八句者應梵本脫漏豈餘九皆十
舊移百八 邪若約有所表者表除九十八使故加十總
詮故八中初一理法次一果法餘六通三約理可知

約行者謂不善不生妄想不起言語道斷智無分別
定無行處如智兩冥此六究竟卽是果相今推徵云
若一是法餘則應非一一皆爾若謂總是則和合不
合而爲法者無合之法豈當有耶又此舉法皆舉寂
滅不生等者欲明一一自虛法卽非法梵行何從第
九觀僧十事前八約人後二就德且依小說言預流
者始超凡地預聖流故一來者修惑未盡一度來生
欲界中故不還者欲界惑盡更不還來生欲界故阿
羅漢者此有三義一名殺賊已斷一切諸煩惱故二

10 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

名不生三界之生永已盡故三名爲應應受人天大供養故有四向者向於果故謂斷三界見惑有十六心至第十五道類忍時名初果向至第十六卽入修道名須陀洹果欲界修惑分爲九品斷至五二向斷六一來果斷七或八品名第三果向九品全斷盡卽得不還果次斷上二界修惑乃至有頂八品惑盡名阿羅漢向三界見修都盡得阿羅漢果今此欲明梵行粗陳名目若廣引婆沙俱舍雜集瑜伽則清淨梵行有累名數力有餘者付在說時此中觀意謂僧名和合而有八輩一若是僧餘則應非又一一別辨則

無衆義集此無衆豈成衆耶況於入流無所入等以無爲法而有差別則其體自虛後二就德德若是僧何須八輩離法無人離人無法一一窮究爲僧者誰僧體旣虛梵行安寄第十觀戒戒爲行體亦賴衆緣從緣成戒戒性如空起心持者是謂迷倒無善無威儀不雜二乘心是名持淨戒此戒乃名真梵行也其中十事前八是受後二是隨受中壇場得戒之處問淨教儀並敎授師三說羯磨卽得戒法和尚得戒根本阿闍梨者正卽二師義兼七證剃髮著衣是戒外相隨中乞食四依之一正命謂離四邪五邪若依苦

170 1 2 3 4 5 6 7 8 9 100 1 2 3 4 5 6 7 8 9 150 1 2 3 4 5 6 7 8 9 180 1 2 3 4 5 6 7 8 9 210

撰述

大藏書庫總卷之九

十一

五

薩戒類例上文具如善戒經及彌勒菩薩所造受菩薩戒羯磨所辨此上十境正約菩薩傍兼聲聞設依小受修觀則爲菩薩卽如此方又善戒經欲受菩薩戒皆先具受前之三戒故所觀境通於大小其能觀智唯實教大乘上來尋伺觀竟第四如是觀下辨觀成之相望前尋伺卽爲觀蓋望後得正覺果此但如實觀成文分爲三初約所觀十境如實觀成二此中何法下約所成梵行如實觀成三如是觀察下結成梵行清淨之相今初有十句初六句明三輪清淨觀一不取能持戒衆生言身兼口意也二不著所修行

事三不住於戒法亦卽是事亦通不住前法次三句以三時門明不住持戒時兼釋上不取等言三世推求不可得故已滅未至空理易明現在多滯偏語空寂以剎那不住過未分之故空寂也次二句明二空觀成作受者人業報是法後二句以不遷理釋成因果空義此世不移動謂不從今至後彼世不改變謂不從後至今是爲因自昔滅無力感因果不俱因無力酬因何有報受以物各性住性本空故二約所成梵行如實觀成者有十一句初句總顯無名十已空故餘句爲別一不從十生二非屬身等皆十已空故

上二句約緣以徵次一句就體以徵初句明離前十
外無別無作戒體十外有體不假前次句亦無有
作作之受隨前已空故次句雙非顯中無性防非故
次五句約五陰有一意一就戒體有說無作戒體體
即是色有說非色非心五蘊之內初一是色後四是
心今言爲是色者顯非是色以其所立無表依表生
表色無表色今明觀意表色尚空何有無表爲非色
者顯非非色也從色生於戒尚不名爲色從色生於
戒豈是非色耶言爲是識者意顯非心若言是心者
一切皆有心應常有梵行是知非心也若言非心木
石應梵行是知非非心也若言非色非心行蘊攝者
但是行蘊應皆名戒二就修行梵行不離五蘊若即
蘊者有蘊皆梵行若離蘊者豈是我梵行故後結云
皆不可得第三結成梵行清淨之相以無得故文有
十一句初句爲總次九句別顯無得一由上三世皆
空故二由於身無所取於修無所著故三言心無障
礙者卽前於法無所住故於風行空無有礙故四作
受二念不現行故五雖空不礙涉有故六七涉有不
迷於空故受觀無所受謂忍可於心觀謂起用於境
八結歸平等大般若曼殊室利分云我不見有一法

170 1 2 3 4 5 6 7 8 9 100 1 2 3 4 5 6 7 8 9 150 1 2 3 4 5 6 7 8 9 170

標述

大藏經卷之三

九

軍九

非佛法者故無法不等九一收一切方顯具德圓融
 末後一句總以結酬由上義故名淨梵行上辨自利
 行淨竟第二復應下明利他行淨文分爲二初深觀
 果智卽利他之方後慈念衆生成無緣四等是則自
 利利他上求下化皆具足也今初文三初舉法應修
 謂梵行體也緣體宛然一心湛寂梵行用也不思不
 造萬行沸騰故不但心觀圓明復應廣集佛智二何
 者下徵起別列可知三於如來下結勸廣學第二聞
 已下慈念衆生成無緣四等文有四句一雙起慈悲
 如犢母隨子二思惟藥病成大法喜三卽行無求以
 成大捨四智了諸境導成無緣此中五喻廣如十忍
 然釋有通別別者如幻似有不實故似有故假不實
 故空此二不二成中道智如夢者虛妄見故如影者
 從業緣現故如響者屬諸因緣故如變化者須臾變
 滅故若如是了境卽終日化而無化亦爲衆生說如
 斯法是謂利他梵行清淨也第二天段若諸菩薩下
 答因所成果問文中分二先牒前因深初總指前文
 不生二解則舉其要卽所行無二二一切下酬其果
 滿先標後釋今初由理觀深玄了性具足萬行齊修
 故令大果無邊德用現證在卽一切明其果大疾現

語其速證後初發心下釋先釋疾現之言後釋現前之相今初上言疾得疾在何時故云初發心時何法現前謂無上菩提也後知一切下釋現前之相亦是出其所因何者夫初心爲始正覺爲終何以初心便成正覺故今釋云知一切法卽心自性故覺法自性卽名爲佛故下經云佛心豈有他正覺覺世間斯良證也斯則發者是開發之發非發起之發也何謂現前之相夫佛智非深情迷謂遠情亡智現則一體非遙旣言知一切法卽心自性則知此心卽一切法性今理現自心卽心之性已備無邊之德矣成就慧身者上觀法盡也正法當興今諸見亡也佛智爰起覺心則理現理現則智圓若鏡淨明生非前非後非新非故寂照湛然不由他悟者成上慧身卽無師自然智也又不由他悟是自覺也知一切法是覺他也成就慧身爲覺滿也成就慧身必資理發見夫心性豈更有他若見有他安稱爲悟旣曰心性自亦不存寂而能知名爲正覺豈唯定之方寸不取則於人哉況初後圓融不待言也梵行品竟

初發心功德品第十七

初來意者謂前二品明位及行今顯勝德舉初況後

巧顯深勝故次來也又前品末云初發心時便成正覺未知此心有何功用頓得爾耶今釋此義故次來也二釋名者初有二義一三種發心之初二十住之初發亦二義一發起上求二三德開發能知三世佛智故永斷一切疑網故得如來一身無量身等故在於信位久已研窮至此位中豁然開悟故得功齊果位攝德無邊受斯稱矣三宗趣者卽以初心攝德爲宗令物窮究發心爲趣然住會發心定是信成就攝解行及證自在後文生如來家自約解說不應謂此便是證收若謂久習無明云何頓成大智者豈不聞冥室千年之間一燈倏忽頓除耶若謂云何能知三世佛法者豈不聞具縛凡夫能知如來祕密藏耶餘義至文當釋夫機差敎別聖旨深玄並未證真如同居學地共詳聖智誠曰才難且以淺爲深有符理之得以深爲淺有謗法之愆以遠爲近則有益於行人以近爲遠則法非我分諸佛說敎貴在俯就物機後輩學人若欲高推聖境儻失大利豈不傷哉且夕釣磻谿朝升台輔豈與夫明經常選而語其優劣者哉況纔生王宮貴極臣佐寧同百戰夷項備歷艱辛況十千劫之功高亦非聊爾人耳是以語其智等虛空

而非類論其德碎塵刹而難量極念劫之圓融盡法門之重現初心契於智海豈有邊涯猶微滴入於天池齊無終始故經云發心畢竟二不別如是二心先心難法慧仰推良在此也如或未喻勝鬘有文推佛能知斯言無過餘如賢首品次正釋文長分爲七一天王請說分二歎深難說分三約喻校量分四就法略示分五動地興供分六他方證成分七以偈重頌分又釋於中分二初長行後偈頌前中亦二初此界後結通前中亦二初正說後證成前中亦二先問後答今依前辨初中天帝問者在彼宮故聞前速成生疑念故菩提心是萬行主故問法慧者是會主故初心具後之德唯慧境故下正顯問端雖則正問功德下法慧答功德之量便顯發心之相是爲菩薩善巧辯才第二法慧菩薩言下歎深難說所以歎者法體深廣去疑令樂故下寄言顯說未盡其源故於中初句總言甚深者謂約時深徹後際約德深至佛果約理深同法界約行深包萬行並深中之極故云甚深又數廣難量理玄叵測雖深非甚今卽少而多卽事而理初心具後是謂甚深下十句別由斯十義故曰甚深於中初四能所對辨各前能後所一離言故難

宣示二無相故超心識三非自力辯能分別四非劣慧能信解後六通能所證五非有所得及一慧能證六非起行及一行能行七次第修慧不能通達八九思慧不能思惟籌度十聞慧不能信向趣入此六後後劣於前前巧顯深也所以廣說難者非唯成上甚深正誠今後令信第三雖然下約喻校量分於中二初結前生後謂約自力則甚深承力則可說二佛子下正顯校量中有十一大喻一利樂衆生喻二速疾步刹喻三知劫成壞喻四善知勝解喻五善知諸根喻六善知欲樂喻七善知方便喻八善知他心喻九善知業相喻十善知煩惱喻十一供佛及生喻然此十一喻後後過於前前故皆捨置前前更舉後後巧顯深勝又此諸喻合有通別通但通合發心德廣謂如初喻中便合云爲悉知一切世界成壞等此不同於喻也別謂所合同喻但喻有分限法無限耳如初喻合云不但爲以一切樂具供養十方等初一具通具別下十略無通合此諸喻文皆應有四一舉喻二徵問三領答四校量初後具四中九略無中二又諸喻內一一皆有十重皆應舉喻問答校量文無者略今初喻十重中初一廣說後九略明初中有四一舉

10123456789180123456789190123456789

廣事二徵問三答顯廣四辨超過今初有三先與現世益文有三廣爲供具田時次然後下與後世樂後南西下類餘九方二徵問三答廣並可知四超過中云歌羅者此云豎析人身上毛爲百分中之一分也或曰十六分中之一分義譯爲校量分優波尼沙陀者此云近少謂少許相近北類之分也百千後卽云億分者中等數也後九略說中文四同前今初併舉九事樂具皆同一切所經劫數漸漸增多其所教法轉轉增勝據初世界亦合漸增以此十前文標一故餘無者略若十方共十則界不增第四校量中三初辨超過二何以故者徵微意云前云功德除佛難知何以比此猶少非類三釋意有二一別翻前喻謂發心無限前有限故亦是反釋二爲令如來種性不斷下通對前十總顯具德亦是順釋於中有十二句初三總相對前辨勝一翻前小果二翻前限處三翻前有限衆生下九句卽下十喻之本一卽第三知劫成壞喻本二卽第四善知勝解喻本故下文云乃至垢解淨解等三却是第二速疾步刹喻本四卽第六及第十本五卽第九本六卽五七本七八皆第八喻本九知佛境界平等卽第十一供佛喻本此中九句卽

佛十力智一知成壞垢淨自性卽業報智心樂卽種解智知煩惱卽漏盡智生死卽天眼智諸根卽勝劣智方便卽禪解脫三昧智此及佛境並是一切至處道智心行卽種種界智三世智卽宿命智其處非處智以是總故亦是前三總句中攝然此所知皆約一切無齊限也下文廣釋其相第二佛子復置下明速疾步刹喻然次下九喻文皆分四初舉廣喻二辨超過三徵四釋釋中皆先反釋後順釋今初喻中前三可知四釋中先反釋彰前不及後爲了知下順釋辨此過前於中十一句初句總所謂下別知世界相卽相入無障礙義前七正明卽入八一毛端下二對釋上卽入所由略舉三門初以法性融通門釋謂一切世界差別性與一毛端體性無二故是故事隨性融此彼相卽事攬性起彼此相入各有同體異體準上思之九一世界中出生一切世界者此約緣起門釋謂諸緣起更互相生有其二義一約體有體無體義是故相卽二約用有力無力義是故相入亦有同體異體義並準上思之欲知一切世界無體性者約無自性門以大非定大故能卽小等十總結欲以一念盡知如是廣無邊際重重卽入無障礙事故發

菩提心又此言知偈中亦身往彼第三佛子下知劫成壞喻文亦有四初明喻廣大舉成攝住舉壞兼空二佛子下對辨超過三徵四釋釋中亦二先反釋後順釋順中三初總次所謂下別三是名下結能知智別中言平等者通相卽相入就緣就性唯心等殊皆無障礙故云平等一長短者如娑婆爲短安樂爲長逝傳相望以爲長短二三及四文並可知五量無量者如勝蓮華界劫更無有上名爲無量已下皆有量六有成壞則有盡無成壞則無盡標中但云成壞從多分說亦麤盡細不盡七念劫相望入劫非劫自有三義一約未經增減縱百千年名爲非劫若經增減成壞名劫二如勝蓮華刹既不可校量亦無劫數故名非劫三推妄歸真劫入非劫依真起妄非劫入劫斯則前七事事無礙此乃理事無礙九一念速知兼總包無盡以斯無限安可比前三結能知智卽十通中知盡未來際劫神通也第四佛子下善知勝解喻文四同前初舉廣喻梵云阿地目多此云勝解謂於決定境印持爲性不可引轉爲業今譯存略耳釋中亦先反後順順中初總後所謂下別別中總有十三句初有八句總相以辨後有五句一一別明前中又

10 1 2 3 4 5 6 7 8 9 10 11 12 13 14 15 16 17 18 19 20

二初三解爲得方便解智光此光通因通果於中一
 廣二深約理等故三卽能知後五句爲得佛十力中
 勝解智力解一切法初一約人謂衆生海解故次一
 約時及性三約境明似不似上皆明所知廣四事事
 相卽顯所知深上皆所知後一能知卽佛十力之一
 也第二從欲悉知有上下一一別明上但云多未識
 差別之相今略示之於中五句各是一義初句三對
 約佛菩薩相望一妙覺無上餘皆有上此約豎論二
 約橫辨盡未盡故三同位互望爲等高下位相望爲
 不等第二句有六對約五乘凡聖相望差別有依無
 依約自性差別託於根境及稱真故一約淺深差別
 甚深般若不共小乘故三約境差別佛解無邊餘未
 盡故四約二諦世諦差別勝義無差故五巧拙差別
 六漏無漏差別第三句有四解約佛乘說一深故二
 廣故三無分量故四契真如正位得果解故事理無
 疑故無二礙故第四句三對唯約衆生以辨差別於
 中初能知方便不礙空而知假故後悉知下明其所
 知有三對六解與惑相應名染不相應名淨廣略者
 約境及作意差別麤細者約行相差別委悉不委悉
 故第五句三對多約知聖教解於中文二先正明二

10 1 2 3 4 5 6 7 8 9 10 11 12 13 14 15 16 17 18 19 20

一切下通結前文初中深密者開則深約方廣一乘密謂密意合則深卽是密以祕以妙卽事而真故二方便者略有三種一進趣方便謂見道前方便道是二施爲方便卽第七波羅蜜依實起權皆善巧故實無此事假施設有故三集成方便諸法同體巧相集成如六相巧成可名方便今並能解言分別者凡於一法多門決擇故言自然者法爾本覺內熏發故隨因所起者過去聞熏之所發故或於現在正思惟等而能知故言隨緣所起者謂得善友增上緣力所開悟故二一切下總結廣多交絡故如網也爲此無限

而起大心豈同前喻第五知根智第六知欲樂欲謂於所樂境希望爲性勤依爲業卽勝解智所攝會釋如前第七知方便者卽禪善巧及至處道智方便三種如向所辨所望別故無相濫失第八知心義兼王所卽他心智第九知業卽業報智上皆文四同前可知辨其名體具如初會十力章中廣顯差別如第九地第十佛子復置下明知煩惱差別喻文亦分四前三可知第四釋中亦先反後順順中初總後所謂下別別有六門各先惑後治謂非但空知意在斷故初門總明後一義兼總別中間四門別舉其重今初門

170 1 2 3 4 5 6 7 8 9 10 11 12 13 14 15 16 17 18 19 20

中輕重眠起通下諸惑故名爲總就中輕重總中之總以品言之一切煩惱各有輕重約起惑者心有異故據難易斷現行爲輕種子爲重卽眠起是又分別爲輕俱生爲重若據破壞三寶焚燒善根則邪見最重餘悉名輕若據損惱自他障菩薩道瞋恚最重餘悉名輕若據發潤生死流轉無明愛取爲重若依爲諸惑根則三毒爲重若依障初聖道不受聖教見慢爲重若據遠隨現行障無學道我愛慢爲重餘可名輕若煩惱當體相望十大煩惱爲重隨惑爲輕隨煩惱中大中小隨展轉輕重又正使爲重習氣爲輕更有異門可略言也言眠起者眠卽種子眠伏藏識起卽對境發起現行言一一衆生無量煩惱總結多端種種差別如後略說廣唯佛知種種覺觀通能所治有染淨故染爲所治煩惱依故如欲恚害覺能生貪等無量煩惱涅槃加五說有八覺一欲覺求可意事二瞋覺念欲瞋他三惱覺念欲惱他四親里覺憶念親緣五國土覺念世安危六不死覺積財資養七族姓覺念族高下八輕侮覺侮即是慢念自恃欺人此等非一故云種種皆能引起一切煩惱對上一衆生無量煩惱亦名引起分別言淨治者欲以不淨觀

1012345678901234567890123456789012345678901234567890

治瞋以慈治惱害以悲治次四以無常觀治後一以
無我我所觀治故云種種覺觀淨治一切雜染第二
依流轉門於所治中卽癡愛發潤斷一切下明治由
癡愛故諸趣流轉從癡有愛苦菩薩病生故一切衆生
三有五趣三結要當斷盡一欲界諸愛別名欲結二
上二界愛合名有結三三界無明名無明結三結亦
名三漏卽上癡愛斷已永盡生死流故第三依病行
門四分分別分是性義各據偏多受貪等名名爲不
等三分俱多名爲等分然不出三此三別名三不善
根故治中云斷根本也第四依通諸識門明我我所

謂第七識恒執第八爲內我故惑謂爲我所染之起
慢故云我慢通至第六內執我身外執資具恃已陵
人又此我者亦兼法我若盡此惑則諸惑皆盡故治
中云盡無餘也第五約相生門以利鈍分別先鈍後
利故淨名推身以欲貪爲本欲貪以虛妄分別爲本
虛妄分別以顛倒想爲本顛倒想以無住爲本今以
無住非煩惱故略不言耳而順明之從顛倒虛妄分
別生貪等惑依貪等惑有諸隨惑展轉相生顛倒想
者不淨計淨等故利中卽身見爲本生六十二見此
有二說一依三世五蘊至下當明二依異道邪見具

10 1 2 3 4 5 6 7 8 9 10 11 12 13 14 15 16 17 18 19 20

如瑜伽八十七說第六約出家修行門以障蓋分別
蓋謂五蓋已見上文障卽二障此亦總結前諸惑不
離二障發大悲下明能治道謂救有障者護修行者
此言在末義兼總結謂菩薩發心不自爲已但以大
悲救護一切令斷上來諸惑之網斷之何爲令本智
清淨然能治道雖復衆多不出二種一通二別別如
上來隨分開示如不能斷應宜轉治謂如起貪以不
淨觀治之不去當起慈悲緣於前境應以淨法與之
云何出家無慈悲心反更染污如是隨便種種迴轉
皆以無得而爲方便所言通者但當深觀第一義諦

謂當觀諸惑卽是本覺菩提故無行云貪欲卽是道
恚癡亦復然如是三法中具一切佛法故惑性智性
皆本淨故但由虛妄分別凡夫不了如大富盲人動
轉爲寶所傷二乘熱狂謂爲蟲蛇驚走遠避權菩薩
輩猶謂有之可斷今乘一切智乘以淨慧眼觀惑卽
真則煩惱自虛智性常淨是爲開佛知見使得清淨
不斷煩惱而入涅槃有斯悲智如是知斷發菩提心
豈與夫前喻同年而語哉第十一明供佛及生喻文
三初舉喻校量二徵三釋今初分二前廣明一人後
略辨九人初中有四一舉廣喻二問三答四校量顯

10 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

撰述

方廣經卷第十一

三

軍九

勝初中有二初廣說東方後南西下略例九方初中
又二先明佛在供養後至佛滅下明滅後供養前中
又二先自行後又勸下化他前中有四深勝一供具
廣妙二供田廣勝謂無數界悲敬田故三供心勝恭
敬等故四供時勝相續無數劫故此自行已勝況於
敎他況復滅後況於餘方餘並可知後略辨九人中
二先舉廣喻二佛子下校量顯勝前中九人展轉遞
望念敵多劫數量復增此中如第一人一念以無數
供至第二人皆增至無量乃至第十增至不可說不
可說皆積當位之念以至當位極時也後校量可知

二徵意云其第十人供福已至不可說不可說全比
容許不齊何以不及少分第三釋中分二先反顯不
爲齊限明前不及此後爲供養盡法界下順釋以無
限故辨此過前略申十種一時過謂窮三際念劫重
時故二處過謂該十方相卽入故三供過謂盡法
界稱理之供故四田過謂盡虛空界塵毛等處諸如
來身各充法界故五心過謂一一念中各以無盡供
供無盡佛經無盡劫心猶不足故六悲過自作敎他
以此善根唯爲衆生令先成佛我亦供養故七智過
了達三事隨其一一稱法界故如海一滴則具百川

110 123 456 789 108 123 456 789 108 123 456 789 108

撰述

大方廣佛寶經卷第十一

三

宣光

之味芥子之空已無分限入善巧過能以一事爲多攝多爲一善巧成就融攝諸位真實行故九所求過唯爲菩提不爲餘趣故十平等過謂生佛自他供與不供皆平等故束上十義總不出三一無齊限故二稱法性故三事事無礙故無此三意設更重重廣喻亦不及少分第四發是心已下就法略示分前喻顯大心因廣此明攝德深勝亦是讚勝勸學文中有二一發是心已者牒前諸喻所校量心二能知下明此大心所攝功德於中有五一解行圓滿二妙果當成三與佛平等四能作佛事五大智現前初中三一總舉所知現佛正覺但云智慧過佛示滅故加涅槃當佛在因云善根也過現已從緣應可得云知未來未有但可云信亦信一切皆當佛也二彼諸下攝以修證有爲能得無爲能知能證使智身成就法身等佛古德判此一段爲攝位修成謂於諸佛功德智慧能信是十信信成就故後攝初故能受是十住能修是十行能知是十向得證是十地謂本智證後智得能成就是結因究竟能與佛等是果滿平等謂與諸佛能證所證平等無二故初心卽攝諸位乃至佛果亦是一理三微釋所以何以初心卽滿因位釋意云以

支那

大方廣佛寶經卷第十一

三

宣光

10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

大方廣佛華嚴經疏卷第一

三

宣力

等真性所爲無齊限故有十一句初總餘別文並同
前初喻中辨第二以發心故下妙果當成分二初標
因得果二徵釋所由今初得於八事一解契佛心故
爲憶念二入正定聚故當得菩提三真器已成故佛
授妙法妙法者卽如來知見也四知心性故與佛平
等五圓修助道六度四攝六力等未證亦定無疑故
云成就七十八不共修習莊嚴八得四無礙辨名說
法智慧上七皆言三世明其豎該今云法界辨其橫
攝前後影略二徵釋所由中初徵意云何以發心卽
得果法釋云以是發心爲因決定當得佛故望圓極
之果故定當成約見性成智身上品云卽得故晉經
梵本此中皆云卽是佛故者當此義也第三應知下
與佛平等者見性均故發心畢竟二不別也文有四
句初總餘別總言等佛何所等耶有三種等一所緣
境界及分齊境界等二大悲大定力無畏等皆悉平
等三得知身無從亦無積聚隨物分別見種種身如
是智慧與佛平等第四纔發心時下能作佛事有十
一句皆是纔發卽得言卽得者有二意故一約法圓
融初心攝諸位故通說諸位相攝總有三類一以行
攝位如十信中具一切位賢首品說一以位攝位如

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

十住滿卽得成佛如十住品及法界品海幢比丘處說其十行十向十地皆爾各如自品說三初心攝終如十住初心卽攝諸位如此品說並就因位滿說如普賢作用大分同佛猶未是佛此中亦爾二約見性齊故說與佛等具諸佛法豎論位次優劣非無若爾此與歷別何異請以喻顯若彼虛室置之一燈光周室内加二加三乃至百千各各重重徧於室内雖同周徧不妨後後益明初心等佛若彼一燈妙覺等初同第百千若器中盛燈雖復百千共置一室互不相見歷別修行類同此也依於此義故初心卽云振動

光照一切世界登地已上却說百刹千刹如理思之又卽由此義廢高就下十住之中卽齊地故第五此初發下明大智現前此文二意一別是一段謂以無著大智求菩提故二通釋上四段謂由於一切無所著故稱性圓融能成能攝一切功德文中分二初正明無著後釋其所由前中初總所謂下別謂從三世門見佛法僧非佛法僧同三世攝於中三位初八清淨次四通染淨後二唯染後唯求下釋不著所由文含多意一云唯爲菩提故云求一切智不餘趣向故於法界佛等無著此雖有理不順今文以佛及佛法

10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

豈非一切智耶二云求之於已不求佛等求之於已尚未免求今釋有二一只爲求一切智故求而無著以有所著非真求故故淨名云夫求法者於一切法應無所求了法無求順一切智二者言求者不壞相也不著者稱法性也性相雙鑑終日求而無所求經云無所求中吾故求之矣第五爾時下動地興供分全同上文第六是時十方下十方證成分望於上文有同有異同義可知異有三種卽爲三段一佛現證成異前菩薩二顯益證成前文所無三結通無盡前略此廣加說因故今初也先現身次讚說後引已同

以初心攝德深廣恐難信受故佛自證二汝說此法時下顯益證成益通二世初益現在後我等悉當護持已下顯及當來今初清淨心者以聞菩提心見心性故而經多劫者然餘教說定三僧祇此宗所明劫數不定略有四類一或展則無量不可說不可說刹塵如法界品說二或千不可說或減或增如威光太子及此中說三或一生二生如善財童子兜率天子四初心卽得如前所說所乘之法旣自在圓融能乘之人亦遲速不定念劫融故故彌勒云一切菩薩無量劫修善財一生皆得起信則以若遲若速皆爲方

10 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

撰述

大方廣佛華嚴經卷第十一

三

軍九

便此宗則以楷定爲權並有聖言無煩固執不以長時而生退怯不以速證而起輕心若違若疾誓要當剋是佛意也後益末世令信仰故今之聞者皆由佛力願深愧信行三如此下結通無盡是證佛結通非經家也先明說徧後其說法下示所說同文中有一說人同二說儀同謂神力本願故三說意同爲欲下是此文大旨同前十住並顯可知第七爾時下以偈重頌分先辨偈意有十一句初一後一是說偈儀而離開者欲顯中九皆承佛力該十方故中九正明所謂初總餘別別中四對一淨業顯理二除惑開信

妄想分別爲雜染根三知病識藥四觀果淨因卽有利他自業便淨第二正顯偈辭有一百二十一頌文分三段初八十二偈超頌就法略示二有三十四偈却頌就喻校量三有五偈結德勸讚令景慕發心歎深難說徧於三段又歎爲長行偈頌之本故略不頌之初中文亦分五初有十七偈頌第一解行圓滿二菩薩始發下十七頌超頌第四能作佛事三菩薩所住下十八偈却頌第三得佛平等四趣向菩提下六偈半頌第五大智現前五恒勸衆生下二十三偈半頌第二妙果當成文不次者顯德無前後故又長行

支那

大方廣佛華嚴經卷第十一

天

軍九

10 1 2 3 4 5 6 7 8 9 10 11 12 13 14 15 16 17 18 19 20

標註

卷之二

三

軍九

明先同果體後同果用偈頌明用可在今果明當得
大智通徧故前後互明初中文分爲二初一偈頌前
正明解行圓滿然初句是總舉發心爲因餘十六偈
頌前徵釋於中有七初一偈頌充徧一切世界二有
二偈頌爲欲度脫一切世界衆生三有一偈頌知世
界成壞知者意在往化觀佛故四一偈半頌爲悉知
一切衆生垢淨故及一切世界三有清淨知垢意在
令淨故五趣三有名左右耳五紹隆下兩偈半却頌
爲不斷如來種性故初半摧邪顯正卽紹隆義次句
示佛種之體性次二句卽起佛種緣餘是種起之相

化化不絕是報佛恩心如金剛是種性義照佛所行
修苦提行則佛種不斷也六五偈頌知衆生心樂煩
惱習氣下四種發心於中初偈總明所知事想是妄
想卽煩惱也業卽習氣果卽死此生彼心卽心行根
性卽諸根次二偈顯知之體相皆卽事入玄次偈非
唯知病亦識法藥故如世尊後偈非唯空知行願相
符能爲實益七有三偈頌知一切衆生三世智謂離
三世障故障有十種一煩惱雜染障二觸境迷倒障
三長時懈怠障四取著因果障五邪教邪師引轉障
六趣下乘障七麤相現前障八於徧趣行無堪能障

10 1 2 3 4 5 6 7 8 9 10 11 12 13 14 15 16 17 18 19 20

九隨言生解障十不亡能所障如次十句各一對治
末後二句總結通達第二菩薩始發下有十七偈頌
上能作佛事總分爲十初二偈頌卽能說法教化調
伏一切衆生以悲智相導故二有一偈頌諸佛讚歎
歎必加故三有一偈頌卽能振動一切世界動入互
舉四菩薩具足下六偈頌卽能息滅一切諸惡道苦
於中具悲智之德故能拔因果之苦而無我人五有
一偈頌卽能光照一切世界照世意在照諸衆生六
一偈頌卽能嚴淨一切國土毛孔現刹卽神通嚴也
七有一偈半頌上卽令一切衆生歡喜供佛問法但

爲益物故八一偈半頌上卽能入一切法界性初半
聞而通達次半思而兼說後半修而無著九有半偈
依修而證頌卽能持一切佛種性也十有一偈半頌
卽能示現成佛第三菩薩所住下十八偈頌得佛平
等於中分四初三偈半頌佛境界平等初偈分齊境
次偈兼所證所緣境後一偈半舉況顯勝二善知下
四偈半頌功德平等三有一偈頌前文得如來一身
無量身平等四於諸下九偈頌真實智慧於中有四
初四頌發離一切妄想廣大心二有二頌發窮三際
廣大心三有二頌發順涅槃菩提廣大心四一偈結

110 123 456 978 080 123 456 978 090 123 456 978 090

勸可知第四趣向菩提下六偈半頌大智現前於中初一結前生後餘正頌大智現前初偈於佛無著次偈卽若衆生若衆生法次偈卽若佛若佛法次偈若世間若世間法次偈若菩薩若菩薩法二乘文略後半偈頌上結文念十方佛卽求一切智無依無取卽於諸法界心無所著第五有二十三偈半頌前妙果當成於中有九初三偈半頌常爲一切諸佛護念以具德故二半偈頌當得無上菩提三半偈頌與其妙法大人法者八大人覺也四有一偈頌佛體平等時處平等卽佛體故五有一偈頌已修三世諸佛助道

之法六有六偈頌成就三世諸佛力無所畏廣十力之別名略無畏之都號於中五偈半別明十力後半偈顯得分齊七有五偈頌已莊嚴三世諸佛不共佛法三世間圓融不共權小故八五偈頌悉得諸佛說法智慧力九一偈結德無盡並屬初心該前諸段大文第二十方國土下三十四頌頌前約喻校量於中分二先十四頌正頌前喻可知後二十偈通釋諸喻不及所由前雖略釋今此廣辨又長行中多隨喻別明今此總辨亦總相頌前歎深難說若將別配則令難證等互有所局於中分三初半偈結前生後次十

101234567890123456789012345678901234567890123456789012345678901234567890

七偈半正釋所由後二偈結德無盡就正釋中分三
初一偈標章次十二偈半別釋三四偈顯德圓滿今
初也謂標出生無盡體相無限二章二別釋中初四
偈釋無齊限或一句是一義後一偈半頌六度義可
以意得後八偈半釋出生無盡於中分三初二偈半
結前生後以體無限故出生無盡也次菩提心是下
四偈正顯出生爲本出生乃一義耳後二偈略釋爲
本所由由修六度爲菩薩乘本由勸正行爲人天乘
本由闡妙業通爲三乘涅槃之本三四偈顯德圓滿
中初偈總顯次二偈別顯願滿後一偈別明智圓第

三三偈結德無盡可知大文第三欲知下結勸發心
於中三初半偈正勸次三偈半釋勸所由總舉具足
一切德故後一偈結勸速發

大方廣佛華嚴經疏卷第十九

音釋

鼇呼覽切
名莫班切
羯磨羯磨切
此云作法儻他朗切或
稽蒲官溪

丹陽居士賀懋懋照懋瑩懋燾懋燭懋輝仰承
先嚴賀學禮遺願施賛刻此
大方廣佛華嚴經疏卷第十九計字一萬二
千五百四十八箇該銀六兩二錢七分五釐
崇禎三年夏月徑山化城寺識

10 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

大方廣佛華嚴經疏卷二十

一臥菩薩

欲中二財半臥五憍大三臥半懶心由愚是

三三臥懶無盡四臥大文葉三益眠不諦憍慾少

大方廣佛華嚴經疏卷第二十

唐清涼山大華嚴寺沙門 澄觀撰

明法品第十八

入第十八卷經

初來意者前明當位所成之德今辨趣後勝進之行故次來也又前明發心之勝德今辨所具之行相故次來也二釋名者準梵本具翻應云法光明品統有四義一法慧智慧於能所詮進趣行法分明照了故卽明所知法二明是能詮以能顯行故法是所詮可軌則故此則詮旨合目明有法故法之明故通二釋也三明是智用法是理行及果境智合說俱是所詮

法之明明之法依主名也四所修行法體離無明亦唯所詮有明之法法卽是明通有財持業也三宗趣者明法不同略有四種謂教理行果尋教悟理觀理起行行成得果皆初宗後趣又此四皆宗爲成後位及成勝德爲趣第四釋文文有三分一請說分二正說分三結說分今初分二先長行後祇夜前中亦二初敘問答之人勝進趣後非勤不能故精進慧問二佛子下正申所問亦分爲二初領前自分勝德後請說勝進之行前中先總後具大莊嚴下別別有七句一領德卽領前莊嚴一切諸佛不共之法二領乘卽

上已住究竟一乘道三領位位不退故卽上已住如來平等性三世諸佛家中生此下晉云離生道者卽是領道圓敎初住離生因故今四五二句成此一句以捨世間得出世法入住正位卽上於諸世間不分別等六去來現在諸佛攝受領得勝緣卽上佛護佛讚等也七決定至於菩提領其當果卽上云當得三世諸佛無上菩提德雖無量不出於此故略舉耳此約當住位釋若約攝於上位理無不通而於求勝進義非愜當二彼諸菩薩下請後勝進中亦二先問所成行體後問行成德用以破癡等爲德用故前中先

170 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

接述

卷之三十一

軍

正問後結請前中十句爲二初五自利兼他一問云
何修習順佛令喜其修習言亦總亦別總偏諸句別
謂策勤卽下答中明不放逸二問順法入位三順行
四順願五順德積德成藏故次四利他兼自束爲二
對初常說法而不捨自行後下念四生上弘三寶末
後一句總結二利不虛二佛子下結請可知第二復
次下問行成德用文亦分二初正問後結請前中分
二初問行所成因德二問結因成果德今初有十二
事初十一字貫下諸句一能滅無明未審修何行法
而能滅耶諸句皆爾意在徵因無明有體黑闇爲用
非明無之處卽名無明故別有惑體由無明故事理
皆昧名爲黑闇二問降魔三問制外四問究竟斷道
心垢卽是所知亦名習氣五善根以何而成六三惡
八難云何可出七智境何由淨治八地等七種淨德
云何成就九依正三業功德云何莊嚴滿足十以何
觀力知佛功德十一一切智境復云何知十二何法
能成就衆生乃至作大佛事第二及餘下結因成果
於中二先正結等謂結所不說及等如來第二於諸
如來下顯等佛之用護持正法便等佛故故偏明之
文有十句初總餘別總謂開示演說教理行果皆有

110 123456789 180 123456789 150 123456789

撰述

護義諸魔下別一異敵不侵二攝持修行三十王外
助四舉世同欽五諸佛灌頂準梵本云一切如來共
所守護同灌其頂故應迴文六菩薩愛敬七得衆善
根入能演深法九攝德自嚴若得此九方名護法二
一切下結請可知第二爾時下偈文分二初一讚說
者餘十頌上文於中亦二初一頌領前餘頌請後於
中亦二前四頌所修行體後五頌行所成德於中亦
二前三頌行所成因德後二頌結因成果德大文第
二正說分中分二先長行後偈頌前中亦二先讚問
許說後正答所問前中三初讚所問利益二佛子下

讚能問具德三諦聽下誠聽許說第二正答中二先
答所成行體後答行成德用前中答前十問卽爲十
段今初段中有五十句前二十句答前修習後三十
句答令佛歡喜前修習言亦總亦別今不放逸亦通
總別總則徧下十段皆由不放逸成別則屬於修習
在文分二先牒前標後勤智守心不犯塵境名不放
逸是修習相不守根門則名放逸涅槃云不放逸根
深固難拔因不放逸一切善根皆得增長故首明之
卽精進二根於所斷修防非爲性對治放逸成滿一
切世出世間善事爲業二別辨中有二十句前十始

10123456789100123456789150123456789180

修後十終成今初有四一總標二徵數三別列四總
 結他皆倣此列中一對治破戒放逸三聚非一故名
 爲衆卽三德三身之因故首明也寧捨身命不犯小
 罪故名護持二離癡智顯故菩提心淨三四可知五
 恐負自心故思本發六遠離惡緣七修善無住八離
 小行大寧起疥癩野干之心不起二乘之心難反復
 故九積善無替十亦愛亦築不令過分使不相續若
 不續者當令相續故須觀察二終成十中一行清淨
 由不放逸得無違教失故名清淨二念智清淨念則
 明記智則決斷念有智故念卽無念智有念故當得

現前此二相資故名成就三等持清淨不沈不掉故
 名爲等然此沈掉乃含多意如始學者不昏沈不惡
 作亦名爲等未是深定今稱性寂然故能不掉智照
 不昧所以不沈如此深定非深非淺四勤聞清淨五
 思修清淨六等引清淨七妙慧清淨稱理平等故八
 攝受清淨等利益故如大地者勝鬘云譬如大地負
 四重擔一者大海二者諸山三者草木四者衆生菩
 薩大地荷負四種重任者謂離善知識無聞非法衆
 生以人天善根而成熟之及三乘人隨機徧攝名等
 作利益九同行清淨謂如彌伽讚敬善財十承事清

10 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

橫述

大藏經卷之二十一

五

單十

淨離雜心故次答令佛喜有三十句初十結前生後次十正成行相後十純熟究竟今初此卽牒前十種清淨如次配屬前八可知九攝二句以菩提心佛法無邊誓願知故旣敬此心及事於師故能順了上九結前第十生後故令佛喜次十正成行相者前明卽前修習故令佛喜今更別明於中一勤而不退成上精進二內不惜身正念方成三外絕異求故唯有勝進四加行觀空方能不息五正證入理故無所依六窮得法印方順深法法印多種或五或四或三或一但廣略之異耳言五印者卽五非常觀謂無常苦空無我寂靜言四印者合空入於無我空卽我所故或名優陀那菩薩藏經第二中名法鄖陀南鄖陀南者此名標相涅槃寂靜是無爲法標相印卽決定義如說有爲決定無常等善戒第七地持第八瑜伽四十六廣有分別言三印者四中合苦入於無常或除涅槃寂靜有爲印故今以諸印印於一切亦無能印故云不著則入唯一實相印矣後四依理起行七願護小心故增廣大八智護凡見方順佛法九自無法愛十無作而修故入無諍門矣後十純熟究竟中行修成熟故云安住初一入理行一加行離逸二正證捨

支那
本草書卷之二十一
大藏經卷之二十一
五
單十

東京大學総合図書館所蔵

101234567891801234567891901234567891950123456789198012345678919901234567891

撰述

大藏經卷之二

七

軍十

相次二救生行次二隨緣行十度別修諸行總攝後四願智行卽十度後四也亦可前十如次成此十種但生熟之異耳思之第二答入菩薩所住處問文分爲三初有十法起入地行次住地觀修後明地要勝今初列中初三自分行一具資糧二成加行一度具十名大莊嚴三智契實相故不隨他後七起勝進行謂四外近良緣五內須自策六能安果用七不厭修因八雙遊定慧深心契寂利智貫達以斯二法嚴於法身故法華云佛自住大乘如其所得法定慧力莊嚴以此度衆生也九不住法門住有二失一不契地

智二不能進趣不住反此十善窮地體謂依一佛智方便多門更無異體二復次下住地觀修有十一句初一是總一切法門是成地之法次九爲別二諸地證智三修加行因四攝報等果五所知分齊及所化境六進德修業斷障力用七示百身等八分別諸願十善等法九所證法界皆言隨其者諸地非一故十悉善下辨成觀相皆自心者智與心相應故因由心學果是心成境由心現力用是心分位神通是心現起分別是心決擇所得是心造詣並心外無得何所著耶十一如是下結觀成益三佛子下顯地要勝標

支那

大藏經卷之二

七

軍十

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

徵釋結文並可知第三答大行清淨問有二十句初十是因後十是果今初行成出障故云清淨雖數名小異大同十行亦通十度十行所行卽是十度欲勝進彼故此前修又下文由爲物說法自增諸度故復廣明所望處別互有影略前七可知入於惡衆生修菩薩行心不傾動是難得中義本願誓化故九善法行中與衆生爲清涼法池大悲堅固普攝衆生爲舍爲歸是廣度衆生如橋梁義有力能故十真實行中文云此菩薩入三世諸佛體性與三世諸佛善根同等智決體同故第二菩薩旣得下由行淨因得勝法

果一他力勝二自善勝三深定勝四同行勝五助道勝六真智勝七意樂勝八觀慧勝九修行勝十增進勝第四答大願問有二十句初十起勝淨願後十勵志令滿今初全同初地十願一成熟衆生願二淨佛國土願三供養四護法五承事六同善根七攝法上首法通至佛名如來門八三業不空九具修諸行十現成正覺但彼文廣依彼次者五七一二六八三九四十爲今之次二佛子菩薩下令願成滿者由斯十句能滿前十及餘多願於中五深心則可久六悉成則可大可久則菩薩之德可大則菩薩之業餘並可

10123456789180123456789190123456789

知第五佛子已下答護菩薩藏問文亦有四初是結
前生後謂以前行願蘊積成藏故唯十句更無成熟
等異文有五對並顯可知第六菩薩得是下答隨所
應化常爲說法問文分爲三初結前生後謂蘊積福
智用以攝生二佛子下徵以標起三所謂下正解其
義於中分二前知器授法二具德成益初中先知器
有四一識習氣所作如金師之子應教數息等二知
種性因緣聞法發心爲因隨因成性遇師聞法爲緣
隨緣成種三知心行之病謂多貪等四知希望差別
二貪欲下授法文有十句初二可知三癡有二種一

迷於事理教觀法相二惡邪推求不信業因令其觀
察十二因緣能離邪執自性等計上三唯對治四等
分者等謂相似三觀不可並施若等重者教觀勝義
謂婬欲卽道等若等輕者可以生善爲人化之釋此
四分具如雜集十三五求人天樂爲樂生死說三苦
者乃至非想行苦所隨故次四可知十樂事寂者令
成理寂若沈空寂令成事用菩薩已下總結隨宜二
爲說法時下明具德成益有十句十對一文連義正
二法智無差卽依法不依人依智不依識三審定無
違卽依了義經不依不了義經四立法義故能偏斷

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大方廣佛華嚴經疏卷二十一

疑五了物根故入於佛教六寂契真際照法性源七
斷真法愛除人法執八念佛了音九亡言巧說雖無
說無示善順宗因十令悟隨宜終歸平等卽說之益
第七菩薩如是下答恒不捨離諸波羅蜜問於中二
先結前生後則正說法時便具十度設自修此亦爲
利他一向大悲了平等故通至佛果故皆名道二是
時下正示不捨度相十度卽爲十段皆先辨相後是
則下結名前四辨相中先辨施等相後無著等辨波
羅蜜相檀戒可知三忍中諸惡通於内外其心下契
理平等成波羅蜜四進中普發衆業是無餘修亦利

樂勤常修靡懈是長時修恒不退轉是無間修上卽
加行動也勇猛莫制是勇捍修亦被甲勤於諸已下
是顯度相五禪定中文有十一句一訶五欲所以訶
者夫禪定虛凝湛猶渟海高攀聖境尚曰妄情馳想
五塵豈當爲道云何訶之色如熱金丸執之則燒聲
如毒塗鼓聞之必死香如弊龍氣覬之則病味如沸
熱蜜舐之則爛傷觸如卧師子近之則噉此五欲者
得之無狀如火益薪亡國敗家世世爲害過於怨賊
故不應著況菩薩體此卽如復何所著二入次第定
謂四禪四空及滅受想爲九次第定下十地離世間

支那

大方廣佛華嚴經疏卷二十一

廿一

直上

10123456789180123456789190123456789

撰述

卷二十一

軍士

品具明卽一切門禪三安住理定寂愛味住智契不出名正思惟以見心性故亦善士相上二定體卽定自性餘六定用四消滅煩惱通愛見慢等故云一切卽清淨相五出生諸定如起信云得此真如三昧能生無量諸三昧門上文云一三昧生塵等定是也卽難行相六引發神通謂精義入神以致用也亦遂求相七逆順自在亦難行相從滅定出入非非想乃至初禪是名爲逆從初禪出入第二禪乃至滅定是名爲順此中逆順應各有超間謂超一超二乃至全超文無者略此亦名爲師子遊步三昧八一多自在攝

一切定應有四句謂在一入一在一入一切在一切入一在一切入一切得其源故九悉知定境定境有三一諸定所緣二諸定分齊三諸定境用皆能知之十者總結體用無違言三昧者此云等持唯局有心而通散心三摩鉢底此云等至通於有心及與無心唯諸位定體此二功德名爲等引上二句定體通於此三六句定用卽是所引言智印者卽一實相故智論釋百八三昧中第二名寶印三昧謂與實相般若相應故上二是定此一是智合卽雙運今菩薩隨在一定卽與一切三昧此三無違十一速入智地亦卽

10123456789100123456789100123456789

撰述

大廣德華嚴經卷二十一

定果以菩薩之定事窮無邊理極無際故能速至一切智地亦難行相亦二世樂相又上二三四卽現法樂住禪次五引生功德禪五亦饒益有情禪後二通三又通十種清淨一由世間淨離諸愛味故卽第三句二出世間淨亦此句攝三加行淨卽是初句四得根本淨卽第二句五根本勝進淨卽第五句六入住自在清淨七捨靜慮已復還證入自在清淨上二卽第七句八神通變現自在清淨卽第六句九離一切見趣清淨十一切煩惱所知障清淨此二共是第四句攝餘如瑜伽四十三九大禪說十行之中當顯

其相六般若中句亦有十前之三句聞法近友卽聞所成慧初句正明二近友不倦是聞慧緣三樂聞無狀是聞慧因暫聞則已慧不生故四卽思慧學而後思故云隨所聽也內正作意故云如理五亦思擇慧又於無煩惱中善決擇故捨煩惱故六善觀下皆是修慧此句悟入於如七宿習思量故了無功用道八周備悟入一中一切等名爲普門九入二智門十總結已圓故云休息後三連環此中亦有九門之相恐繁不配其中雖定慧互有互相嚴故而爲門不同若全雙運故起信論合於六度以爲五門後之方便義

10 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

亦準此涉有不迷於空則名方便不狀有而觀空便稱般若豈令般若不能知有耶方便若不觀空何名方便非唯此三萬行皆爾況般若能行萬行何法而不用之寂照盡於理極不得一行無此君耳所以開則萬行森然泯則一不爲一得意則無所不通耳七方便中亦有十種一巧智現世爲方便二悲非愛見故化而無狀卽悲智相導爲方便三依體起用四非捨非受故一切無染五凡聖雙行由雙非故六行無住道七觀察進趣八現相不著九徧入諸趣卽無生現生十度脫衆生是無化現化初九拔濟餘皆廻向

依瓔珞因果品後之四度亦各有三方便三者一進趣方便卽第七句二巧會有無除第四句皆此所攝三不捨不受卽第四句八願中亦有十願前五後三盡字爲初六身恒住盡劫海七智盡心海八窮盡有支九盡現國土十窮佛果智此求菩提前九利樂若依三願二三四五爲自行願六七爲神通初及八九爲外化十通二利皆云盡者窮彼源故九力中十句各二謂標名釋義一契理深心是思擇力染則無力翻此故有也餘可準知皆修習力瓔珞有三皆名通力一報通力二修通力三變化通力觀彼似當九十

170 1 2 3 4 5 6 7 8 9 10 11 12 13 14 15 16 17 18 19 20

二句耳十智度中識病知根順理授法名爲智度亦有十句初四知病輕重次三知根欲樂一位二行三心後三知法樂一知理法二知果法三普覺法界前七成就有情後三現法樂住瓊珞三智一無相智卽知法真實三變化智卽如來力餘皆第二一切種智餘義如初會說第八佛子下答前所念衆生成咸令得度問於中分三初結前起後二正明化度三結如本誓前中初結前清淨約離障圓滿具事理不捨謂常相應住大莊嚴者總結十度爲嚴是大乘體後隨其所念下生後由且前故二墮惡道下正明化度文有

十句約爲四類初二令離惡果三塗除無間皆容發心如慈童女二令勤修則脫八難值佛聞法次三令離惡因貪有二種上偏語色貪教修不淨今通語貪財名等故但云示無貪法無貪法者謂不淨觀空少欲知足二瞋亦二種上偏語能爲違害故令修慈今通瞋情非情故觀同體不應自瞋三癡亦二種已如上明此約邪癡令觀緣起次三令離流轉三界循環皆可狀故初欲恚害等義見三地二色界雖定慧似均然是定地恐其滯寂故爲說觀又無生正觀令得無漏三無色定多故爲說妙慧又示諦觀方得永出

101234567890123456789100123456789110123456789

後二示以三乘隨機爲說又引權歸實令知本寂三如其往昔下結如本誓故能真度師子吼者決定度故第九佛子下答前紹三寶種使不斷絕問文分爲二初仍前總標二所以下徵釋所以由化衆生入三寶海故能紹前令不斷也文有四番爲成十句前九別明後一總結就初三番釋通總別然皆後後轉深前前通者通在諸位別者初在十信次居三賢後約登地三番佛種差別云何初教發心令具因性未發唯有本住性故次讚大願令成因行令所發心不退轉故言大願者謂求菩提願利樂有情願又防惡願

如戒經說有進善願如常所明三下佛種子令成佛智謂證真如成無漏故上約別顯通者發菩提心總有三心謂卽大悲大願大智初番爲總已舍大悲次番是願後番是智謂示妙理令暫見心性成金剛種三番法種差別相者初開法藏令教不斷次說因緣令義不斷後具四種護令教理行證皆悉不斷復次初雖領教未發真解次具解行未能證故三番僧種有何差別初受法無乖始墮僧數次修六和敬僧行已成後統理大衆令僧清淨復次初雖奉教解行未具未是真和次雖具解行未離衆怖不能控御言六

10123456789180123456789190123456789

和者三業爲三及戒見利謂身和同集口和無諍意
和無違見和同解戒和同奉利和同均又約菩薩三
業同慈六皆同體真實和也一切恭敬令僧久住後
總句者弘法奉戒三學兼修則不斷三寶化化不絕
第十菩薩如是下答前善根方便皆悉不空問先略
後廣略中分三初結前生後謂由能紹三寶故所行
無失二隨有下由不空故三業無瑕謂所作迴向是
不空業三無瑕玷故下由無瑕故不空所作反覆相
成玉之內病曰瑕瑕謂體破外病曰玷玷謂色汙以
顯三業內外無失故白珪之玷尚可磨也三業之玷

不可爲也初句牒前次所作下示無瑕相後皆與下
顯不空相方便有慧方便不空慧有方便慧亦不空
此辨所行不空迴向智智辨趣果不空第一菩薩如
是下廣明有二初明白業不空後辨利他不空初中
雖明不空義兼無失以一切清淨離煩惱故又此無
失卽自業不空順止寂故文有標徵釋結釋中皆先
標後釋初四依正莊嚴次六攝化莊嚴言涅槃地者
以涅槃嚴地也謂隨有成道入涅槃處當知其地卽
是金剛今於一切處成則無非金剛也標云涅槃釋
云成道文影略耳四菩薩成就下結文可知二若有

110 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

衆生下利他不空於中有法喻合文則可知佛與菩薩俱益不空今不見者不宜見故見不益者無行力故亦遠益故上來並答所成之行問竟第二佛子菩薩摩訶薩住此下答行所成德問前文有一二今亦一段第一答以行成因德二答以因成果德今初具答十二問各有二句上句答下句上云修何滅癡今答以智他皆倣此二用慈降魔夫欲害人反招自害苟欲安人則物我俱安故柔勝剛弱勝強以慈安一切惡魔無以施害慈善根力其功叵量三福則怖之以威智則屈之以辯次四後四文並可知八以方便智

慧出生是答一切菩薩已下卽是所問準上文中此有七事今波羅蜜下欠總持句然方便有二若加行方便出生地度若善巧方便亦生諸度及餘五法智亦有一若根本智卽成內證若後得智卽成業用是故此二出生此七言清淨者治彼障故二佛子下答以因成果問於中亦二先結因成果謂但勤修上來諸行則能次第從因得果二於無邊世界下正答所成之德謂護持正法但當勤修上來以行成因之德自當成後護持法等諸德故乘前結因成德明之答上十句文分九段第一答初總句如來法藏守護開

10 1 2 3 4 5 6 7 8 9 10 11 12 13 14 15 16 17 18 19 20

撰述

方廣經卷第十一

演二佛所護念故則答衆魔外道無能沮壞以佛護
故三守護受持下答攝持正法無有窮盡四於無邊
下答於一切世界中演說法時十王敬護謂身勝音
巧令聞者入智故五知諸衆生下答舉世同欽稱機
令喜故六其身端正下答菩薩愛敬端正有德故其
佛灌頂在前第二佛護之中七善知衆心下答得善
根力增長白法於中先總明三業後得心下別顯十
種自在皆是善根其十自在之能並是增長白法八
菩薩如是下答開演如來甚深法藏九佛子菩薩得
如是下答攝持正法以自莊嚴於中初明白嚴次微

後釋以攝正法故有十句德亦卽是前所成之德可
思準之第二重頌分十頌分二初六偈頌前十種所
成行體後四偈頌行所成德前中初二偈頌佛喜於
中初半頌不放逸餘頌佛喜二有一頌頌入地及大
行大願三一頌頌菩薩藏及所應化而爲說法四一
頌頌不捨自行諸度及所念衆生皆令得度五半頌
頌不斷三寶六半頌頌善根方便皆悉不空二菩薩
所修下頌行所成德初一頌初行所成因德後有三
偈頌以因成果德於中初二頌通頌前之八段後一
頌別頌第九答攝持正法以自莊嚴以喻而顯一身

文那

方廣經卷第十一

三十二

上

量上

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

儀安諦頌前現身次辨德威猛頌前以無畏辯三心
定不動頌安其怯弱四智深如海頌以深智慧五法
雨滅障頌前而爲說法第三時法慧下明結說分謂
契理合機故佛喜衆奉也第三會竟

大方廣佛華嚴經疏卷第二十

音釋

闍_{烏紺切}
闍_{與暗同}
掉_{徒弔切}
掉_{搖也}
渟_{音亭}
渟_{澄也}
弊_{毗祭切}
弊_{惡也}
喚_{許救}
喚_{以鼻搘}
氣_日
噏_{倪結切}
噏_{噬也}
瑕_{瑕何加切}
玷_{玷都念切}
丹陽居士賀林應照慈堂懇壽懋輝仰承先嚴賀學禮遺願施貲刻此
大方廣佛華嚴經疏卷第二十
箇_{計字七千一百九十五}
該_{該銀三兩六錢}
淨_{淨住沙彌}
持_{契機對}
禡_{三年夏月徑山化城寺識}

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

ヤハ